

陰陽臟腑部

醫學綱目

自
五
至
六

四



醫學綱目卷之五

陰陽臟腑部

治寒熱法

診治寒熱大法

陰勝則陽病陽勝則陰病陽勝則熱陰勝則寒重寒則
熱重熱則寒陰陽應象論下同陽勝則身熱腠理閉喘麤為之
俛仰汗不出而熱齒乾以煩寃腹滿死能冬不能夏陰
勝則身寒汗出身常清數慄而寒寒則厥厥則腹滿死能
夏不能冬

有諸有過切之瀋者陽氣有餘也滑者陰氣有餘也陽氣
有餘為身熱無汗陰氣有餘為多汗身寒陰陽有餘則無
汗而身寒陰陽不足則有汗而身熱予補此句為病之重
者莫大於此如刀削肌肉危之甚不能久矣按經曰邪
生於陽者得之風雨寒暑又曰陽虛生外寒陽受氣於上
焦以溫皮膚分肉之間今寒氣在外則上焦不通上焦不

通則寒氣獨留於外故寒慄又曰陽盛生外熱上焦不通利則皮膚緻密腠理閉塞玄府不通衛氣不得泄越故外熱經曰邪生於陰者得之飲食居處陰陽喜怒又曰陰虛生內熱有所勞倦形氣衰少穀氣不盛上焦不行下脘不通胃氣熱熱氣薰胃中故內熱又曰陰盛生內寒厥氣上逆寒氣積於胃中而不瀉不瀉則溫氣去寒獨留則血凝血凝則脈不通其脈盛大以澁故中寒餘見針灸門

望視其顏色黃赤者多熱氣青白者少熱氣黑色者多血少氣五音五經曰凡診絡脈脈色青則寒且痛赤則有熱胃中寒手魚際之絡多青胃中有熱魚際絡赤其暴黑者留久痺也其有赤有黑有青者寒熱氣也其青短者少氣也浮絡多青則痛多黑則痺黃赤則熱多白則寒五色皆見其寒熱也餘見陰陽通論

治分反

正治
以寒治熱
以熱治寒

難經云數則為熱遲則為寒諸陽為熱諸陰為寒全文見診法通論

論下經曰人迎盛則為熱虛則為寒氣口盛則脹滿寒中食不化虛則熱中出糜少氣溺色變全文見針灸虛實寒者熱之熱者寒之微者逆之甚者從之逆者正治從者反治從少從多觀其事也帝曰反治何謂岐伯曰熱因寒用寒因熱用寒因寒用通因通用必伏其所主而先其所因其始則同其終則異可使破積可使潰堅可使氣和可使必已全文見治法通論

微者調之其次平之盛者奪之汗之下之寒熱溫涼衰之以屬隨其攸利全文見治法虛實

王註曰假如小寒之氣溫以和之大寒之氣熱以取之甚寒之氣則下奪之奪之不已則逆折之折之不盡則求其屬以衰之小熱之氣涼以和之大熱之氣寒以取之甚熱之氣則汗發之發之不已則逆制之制之不盡

則求其屬以衰之

難陽盛陰虛下之則愈汗之則死此熱病也陽盛生外熱陰虛生內熱用寒藥下

之仲景云桂枝下咽陽盛則斃陰盛陽虛汗之則愈下之則死此寒病

生內寒陽虛生外寒用熱藥汗之非止發汗也為助陽也

仲景云承氣入胃陰盛以干東垣云用甘藥以助升浮生

長之氣

素帝曰論言治寒以熱治熱以寒方士不能廢繩墨而更

其術也有病熱者寒之而熱有病寒者熱之而寒二者皆

在新病復起奈何岐伯曰諸病寒之而熱者取之陰熱之

而寒者取之陽所謂求其屬也王註云益火之源以消陰

帝曰善服寒而反熱服熱而反寒其故何也岐伯曰治其

王氣是以反也帝曰不治王而然者何也岐伯曰悉哉問

也不治五味屬也夫五味入胃各歸所喜故酸先入肝苦

先入心甘先入脾辛先入肺鹹先入腎久而增氣物化之

常也氣增而久夭之由也至真要大論下同○王註云入肝為溫

清入腎為寒入脾為至陰而四氣兼之皆為增其味而益

其氣故久服黃連苦參而反熱者此其類也故曰久而增

氣物化之常也氣增不已則臟氣偏勝氣有偏勝則臟有

偏絕臟有偏絕則有累天者故曰氣增而久夭之由也

海問寒病服熱藥而寒不退熱病服寒藥而熱不退何也

答曰啓玄子云熱不得寒是無水也寒不得熱是無火也

寒之不寒責其無水熱之不熱責其無火經云滋其化源

源既已絕藥之假焉能滋其真水火也

帝曰脈從而病反者何如岐伯曰脈至而從按之不鼓諸

陽皆然王註云言病熱而脈數按之不鼓動乃寒盛格陽

屬熱而病反寒也諸陽皆然謂三陽帝曰諸陰之反何如

緊數而不鼓太陽標本不同之脈也岐伯曰脈至而從按之鼓盛而甚也王註云形症皆寒按

下盛此為熱盛拒陰而生病非寒也○此而脈氣鼓擊於指

節言症屬寒亦從症雖屬寒而病反熱也是故百病之

起有生於本者有生於標者有生於中氣者有取本而得

以熱治寒
以寒治熱

陰症似陽

者有取標而得者有取中氣而得者有取標本而得者有
逆取而得者有從取而得者逆正順也若順逆也故曰知
標與本用之不殆明知逆順正行無問此之謂也不知是
者不足以言診足以亂經故大要曰粗工嘻嘻以為可知
言熱未已寒病復始同氣異形迷診亂經此之謂也夫標
本之道要而博小而大可以一言而知百病之害言標與
本易而勿損察本與標氣可令調明知勝復為萬民式天
之道畢矣六氣之病標本相反者唯太陽少陰之病為最
蓋太陽標陽本寒少陰標陰本熱王註釋諸陽
脈至而從為病熱脈數者太陽之標也按之不鼓為寒盛
格陽者少陰之本與標相反也釋諸陰脈至而從為脈証
是寒者少陰之標也按之鼓甚為熱甚拒陰者若火之本
與標相反也是故不知相反者逆標氣之陰陽而正治則
順本氣之寒熱而病加相反者順標氣之陰陽而反治則
不殆明知逆順
正行無問也

右脈從病反言症似陽者脈亦從症似陽而其病反是

寒也症似陰者脈亦從症似陰而其病反是熱也故其
反其脈症施治如身熱微熱煩躁面赤其脈沉而微若
陰症似陽也身熱者裏寒故也煩躁者陰盛故也面戴
陽者下虛故也若醫者不知脈誤為實熱反與涼藥則
氣消成大病矣外臺秘要云陰盛發躁名曰陰躁欲坐
井中宜以熱藥治之故仲景少陰症面赤者四逆湯加
葱白治之東垣云寒涼之藥入腹周身之火得水則升
走陰燥之極故欲坐井中是陰已先亡醫猶
不悟復認為熱重以寒
藥投之其死也何疑焉

逆氣象陽全文見
五臟

或因吐因嘔因嗽而發躁蒸蒸身熱如坐甑中欲得去
衣居寒處或飲寒水則便如故振寒復至則氣短促速胃
中滿悶欲絕甚則口開目瞪聲聞于外而淚涕涎痰大作
其發躁須臾而已如前六脈細弦而濇按之而虛此大寒

陽症似陰

症也以辛甘寒甘溫之劑大瀉南方北方則愈
 手足逆冷大便秘小便赤或大便黑色脉沉而滑者陽
 症似陰也輕者白虎湯重者承氣湯傷寒失下血氣不通
 令四肢逆冷此是伏熱深故厥亦深速以大承氣湯加賦
 粉下之汗出立愈蓋熱厥與陰厥自不同熱厥者微厥却
 發熱陰厥即不發熱四肢逆冷惡寒脉沉細大小便滑泄
 右二節言症似陽而脉病屬陰症似陰而脉病屬陽故
 反其症而治之蓋症似陽而脉病屬陰者世尚能辨若
 脉症俱是陰而病獨屬陽者舉世莫辨而致夭折者溺
 滔皆是許學士云熙寧中邠守迪因其猶子病傷寒見
 其煩渴而汗多以涼藥治之遂成陰毒數日卒迪痛悼
 之遂著陰毒形症訣三篇蓋傷世之意深矣

熱因寒用

用足太陽膀胱之經乃熱因寒用且膀胱本寒其經老陽

寒因熱用

也太陽為標有陽之名無陽之實謂其將變陰也其脉繁
 而數按之不鼓而空虛是外見虛陽而內有真寒也故仲
 景以姜附湯久久熟煎不溫服而寒服之亦是寒治也姜
 附氣味俱陽加之久久熟煎取重陽之熱瀉純陰之寒是
 治其本也不溫服而寒服此以假寒治太陽標之假陽也
 故為真假相對之治法因藥處治者當知其脉之空虛則
 是內伏陰寒之氣外顯熱症大渴引飲目赤口乾面赤身
 熱四肢熱如火者此浮陽將絕于外而內則為寒所拒也
 手少陰心之經乃寒因熱用且少陰之經真陰其心病
 根本是真火也故曰少陰經標陰本熱是內則心陽為本
 外則真陰為標其脉沉細按之洪大緊甚而盛者心火在
 內則緊甚洪大真陰為標則得脉之沉細寒水之體也故
 仲景以大承氣湯酒製大黃煎成熟服之以除標寒用大

黃芒硝辛苦大寒之氣味以瀉本熱以此用藥可以為萬世法矣

治熱以寒

治熱以寒溫而行之至真要大論曰即寒因熱用之類如前大黃芒硝大寒之藥熱服是已

丹溪治色目婦人惡寒用八物湯去芎加炒栝治之反劇知其病熱深而藥無反佐之過也仍取前藥熟炒與之而愈此治熱以寒借火之力溫而行之也

治熱以寒溫而行之有三皆因大熱在身止用黃芪人參甘草此三味者皆甘溫雖表裏皆熱燥發於內捫之肌熱於外能和之汗自出而解矣此溫能除大熱之至理一也熱極生風乃左遷入地補母以虛其子使天道右遷順行諸病得天令行而必愈二也況大熱在上其大寒必伏於內溫能退寒以助地氣地氣者在人乃胃之生氣使真

氣旺三也

治寒以熱

治寒以熱涼而行之即熱因寒用之類如用乾姜附子大熱之藥須冷服是已

仲景治少陰病下利脈微者與白虎湯利不止厥逆無汗乾嘔煩熱白通加猪膽汁湯主之此治寒以熱借膽汁之涼而行之也

垣治寒以熱涼而行之有三北方之人為大寒所傷其足脛脹乃寒勝則浮理之然也若火灸湯浴必脫毛見骨須先以新汲水浴之則時見完復矣更有大寒凍其面或耳若近火湯必脫皮成瘡須先於涼房處浴之少時以溫手熨烙必能完復此涼而行之除其大寒之理一也大寒之氣必令母實乃地道左遷入肺逆行於天以涼藥投之使天道右遷而順天令諸病得天令行而必愈二也況大寒在外其大熱伏於地下者乃三焦包絡天真之氣所居

之根蒂也熱伏於中元氣必傷在人之身乃胃也以涼藥和之則元氣充盛而不傷三也

惡寒非寒

惡寒非寒惡熱非熱論○經曰惡寒戰慄者皆屬於熱又曰戰慄如喪神守皆屬於火惡寒者雖當炎月若遇風霜重綿在身如覺凜凜戰慄如喪神守惡寒之甚也原病式曰病熱症而反覺自冷此為病熱實非寒也或曰往往見有服熱藥而可愈者何也病熱之人其氣炎上鬱為痰飲抑遏清道陰氣不升病熱尤甚積痰得熱亦為暫退熱勢助邪其病益深或曰寒勢如此誰敢以寒涼藥與之非殺而何予曰古人遇戰慄之症有以大承氣湯下燥糞而愈者惡寒戰慄明是熱症但有虛實之分耳

惡熱非熱

經曰陰虛則發熱夫陽在外為陰之衛陰在內為陽之守精神外馳嗜慾無節陰氣耗散陽無所附遂致浮散於肌表之間而惡熱實非有熱當作陰虛治之而用補養之法可也或曰傷寒惡寒惡熱者亦是耶予曰若病傷寒者自外入內先賢論之詳矣愚奚庸贅

治發熱

大法

火鬱當看熱在何經輕者可降重者則隨其性而升之人虛火盛顛者用生姜湯若投以冰水正治之立死實火可瀉小便降火極速 有補陰即火自降炒栢地黃之類 凡氣有餘便是火急甚者必緩之生甘草兼瀉兼緩參朮亦可 凡火盛者不可驟用寒涼藥必兼溫散之左金丸治肝火用黃連六兩吳茱萸一兩 陰虛火動難治 喫酒人發熱難治 不飲酒人因酒發熱者難治 一男子二十三歲因酒發熱用青黛瓜萋仁入姜汁每日數匙入口中三兩月而愈

垣小兒癩後餘熱不退痲不收斂大便不行是謂血燥則當以陰藥治之因而補之用清涼飲子通大便而瀉其熱潔古云涼風至而草木實夫清涼飲子乃秋風徹熱之劑也此甘寒瀉火也傷寒表邪入於裏日晡潮熱大渴引飲譫語狂燥不大便是胃實乃可攻之夫胃氣為熱所傷以承氣湯瀉其上實元氣乃得周流承氣之名於此具矣此苦寒瀉也今世人以苦泄火故備陳之除熱瀉火非甘寒不可以苦寒瀉火非徒無益而反害之故有大熱脈洪大服苦寒劑而熱不退者加石膏 如症退而脈數不退洪大而病有加者宜減苦寒加石膏如大便軟或泄者加桔梗食後服之此藥誤用則其害非細用者旋旋加之如食少者不可用石膏石膏善能去脈數如病退而脈數不退者不治

熱分虛

海大熱而脈反細小不可下者瀉心湯主之脈有力可用之 骨肉筋血皮毛陰足而熱反勝之是謂實熱

能食而熱口舌乾燥大便難者實熱也以辛苦大寒之劑下之瀉熱補陰經云陽盛陰虛下之則愈脈洪盛而有

力者是已 人壯氣實火盛顛狂者可用正治苦硝水水之類飲之 骨痿肉燥筋緩血枯皮聚毛落陰不足而有熱疾是謂

虛熱 不能食而熱自汗氣短者虛熱也以甘寒之劑瀉熱補氣經云治熱以寒溫而行之脈虛弱無力者是已

當歸補血湯 治婦人肌熱大渴引飲目赤面紅晝夜不息其脈洪大而虛重按全無內經曰脈虛血虛脈實血實又云血虛發熱是也症象白虎惟脈不長實難辨也悞服白虎湯必死此病得於饑困勞役

黃芪

當歸

右剉作一服水二盞煎至一盞去查稍熱空心服之

補中益氣湯 治飲食勞倦所傷始為熱中蓋人受水穀之氣以生所謂清氣營氣運氣衛氣春升之氣皆胃氣之別名也夫胃氣為水穀之海飲食入胃遊溢精氣上輸于脾脾氣散精上歸于肺通調水道下輸膀胱水精四布五經並行合於四時五臟陰陽揆度以為常也若飲食失節寒溫不適則脾胃乃傷喜怒憂恐損耗元氣脾胃氣衰元氣不足而心火獨盛心火者陰火也起於下焦其系繫於心心不主令相火代之相火包絡之火元氣之賊也火與元氣不兩立一勝則一負脾胃氣虛則下流肝腎陰火得以乘其土位故脾症始得則氣高而喘身熱而煩其脈洪大而頭痛或渴不止其皮膚不任風寒而生寒熱蓋陰火

上衝則氣高喘而煩熱為頭痛為渴而脈洪脾胃之氣下流使穀氣不得升浮是春生之令不行則無陽以護其營衛微任風寒乃生寒熱此皆脾胃之氣不足所致也然與外感風寒之症頗同而實異內傷脾胃乃傷其氣外感風寒乃傷其形傷其外則有餘有餘者瀉之傷其內則不足不足者補之汗之下之吐之剋之之類皆瀉也溫之和之調之養之之類皆補也內傷不足之病苟誤認作外感有餘之症而反瀉之則虛其虛也實實虛虛如此死者醫殺之耳然則奈何唯當以辛甘溫劑補其中而升其陽甘寒以瀉其火則愈矣經曰勞者溫之損者溫之又曰溫能除大熱大忌苦寒之藥損其脾胃脾胃之症始得則熱中今立法治始得之症

黃芪

病甚熱甚

人參

三分有

甘草

五分

當歸身

二分

者乙錢

灸

酒製

橘皮二分

升麻二分

柴胡二分

白朮三分

右咬咀作一服水二盞煎至一盞量氣弱氣盛臨病斟酌水盞大小去查食遠稍熱服如傷重者不過二服而愈若病久者以權立加減法治之如腹中痛者加白芍五分炙甘草三分惡寒冷痛者加中桂去皮二分如惡熱喜寒而腹痛者於已加芍藥甘草中更加生黃芩三分或二分或夏月腹痛而不惡熱者亦然治時熱也若天涼惡熱而痛於加白芍甘草黃芩中更加桂少許天寒腹痛去芍藥味酸寒故也加益智仁三分或加半夏五分生姜三片如頭痛加蔓荊子三二分痛甚者加川芎二分頂痛腦痛加藁本三分或五分若苦頭痛者加細辛二分諸頭痛者併用此四味足矣若頭上有熱則此不能治別以清空膏治之如臍下痛者加

真熟地五分其痛立止如不止者乃大寒也更加肉桂去皮三分或二分內經所說小腹痛皆寒症從復法相報中來也經曰大勝必大復從熱病中變而作也非傷寒厥陰之症也仲景用抵當湯併丸主之乃血結下焦膀胱也如胃中氣壅滯加青皮二分氣促少氣者去之如身有疼痛者屬濕若身重者亦濕加去桂五苓散一錢如風濕相搏一身盡痛加羌活防風各五分升麻藁本根蒼朮各一錢勿用五苓散所以然者為風藥已能勝濕故別作一服與之如病去勿再服以治風之藥大損元氣而益其病故也如大便秘瀆加當歸稍一錢如閉瀆不行煎成正藥先用一口調玄明粉半錢或一錢得行則止此病不宜下下之恐變成凶症也如久病痰嗽者去人參初病者勿去冬月春寒或秋涼

時各宜加不去節麻黃半錢如春令大溫則加佛耳草三分欬冬花二分如夏月病嗽加五味子三分去心麥冬二分或三分如舌上白滑胎是胃中有寒勿用之如夏月不嗽亦加人參三二分并五味子麥冬各等分救肺受火邪也如病人能食而心下痞加黃連二分或三分如不能食而心下痞勿用如脇下痛或急縮者俱加柴胡甘草

右一方加減是飲食勞倦喜怒不節始病熱中則可用之若未傳寒中則不可用也蓋甘酸適足益其病耳如黃芪人參甘草芍藥五味之類是也

垣氣運衰旺圖

濕胃化 熱小腸長 風膽生 皆陷下不足先補則用黃芪 甘草 當歸 升麻 柴胡 人參乃辛甘發

散以助春夏生長之用者也

土脾形 火心神 木肝血 皆大盛上乘生長之氣後

瀉則用甘草稍之甘寒瀉肺火逆於胃中傷氣者也黃芩之苦寒以洩胃中之熱喘氣上奔者也 紅花以破

惡血 用黃芩大補腎水益肺氣瀉血中火燥者也

寒膀胱藏氣 燥大腸收氣 皆大旺後瀉則用黃芪之

甘溫止自汗實表虛使不受寒邪當歸之辛溫能潤燥更加桃仁以通幽門閉塞利其陰路除大便之難燥者

也

水腎精 金肺氣 皆虛衰不足先補則用黃柏之苦寒

除濕熱為痿乘於腎救足膝無力亦除陰汗陰痿而益精甘草稍黃芩補肺氣洩陰火之下行腎苦氣上逆急

食苦以洩之也

此初受熱中常治之法也非權也權者臨病制宜之謂也

實熱正治

晝熱則行陽二十五度大抵柴胡飲子 夜熱則行陰

二十五度大抵四順飲子 又云一身盡熱或日晡潮熱

也四順飲子或桃仁承氣湯選而用之當視其 平旦

發熱熱在行陽之分肺氣主之故用白虎湯以瀉氣中

之火 又云白虎治脈洪故抑 日晡潮熱熱在行陰之

之使秋氣得以下降也 分腎氣主之故用地骨皮以瀉血中之火 又云地骨皮

率之使春氣得以上升也 柴胡飲子 即四 清涼飲子

白虎湯 傷寒 血分熱 桃仁承氣湯

恒牽牛味辛烈能瀉氣中之濕熱不能除血中之濕熱

防已味苦寒能瀉血中之濕熱又通血中之滯塞

柴胡飲子 方見 白虎湯 方見 地骨皮散 方見骨

清涼飲子 勞熱 大黃 蒸 甘草 炙 當歸 洗 芍藥 洗各

右咬咀每服五錢薄荷十葉水一盞半同煎至七分去

查溫服 桃仁承氣湯 方見

人病脈虛氣鬱發熱 芍藥 酒炒一兩 香附 兩 蒼朮 兩 沙參 錢

甘草 一錢五分 右炊餅丸服

脈滑腸有宿食常暮發熱明日復止者於宿食門求之

濕痿夜熱以三補丸加白芍藥為丸

三補丸方 黃芩 黃柏 黃連 為末粥糊為丸

察分表

熱分上

有表而熱者謂之表熱無表而熱者謂之裏熱故苦者以治五臟五臟屬陰而居于內辛者以治六腑六腑屬陽而在于外故曰內者下之外者發之又宜養血益陰身熱自除以脈言之浮數為外熱沉數為內熱浮大有力為外熱沉大有力為內熱

熱在上焦者因欬為肺痿熱在中焦者為堅熱在下焦者為尿血亦令淋閉不通

肘前熱者腰以上熱手前獨熱者腰以下熱肘前獨熱者膺前熱肘後獨熱者肩背熱臂中獨熱者腰腹熱肘後以下三四寸熱者腸中有虫掌中熱者腹中亦熱全文見診法

三焦熱用藥大例 上焦熱梔子黃芩 中焦熱小便不利黃連芍藥 下焦熱黃柏大黃

上焦熱 清神散 連翹防風湯 涼膈散

龍腦飲子 犀角地黃湯

中焦熱 小承氣湯 調胃承氣湯 洗心散

四順清涼飲 桃仁承氣湯

下焦熱 大承氣湯 五苓散 立効散

八正散 石葦散 四物湯

身熱脈洪無汗多渴者熱在上焦宜桔梗湯

肘獨熱多渴咽腫目赤口瘡屬上熱

桔梗 連翹 山梔 薄荷 黃芩 甘草各等分

右為粗末竹葉白水煎溫服汗之熱服 春倍加防風

羌活 夏倍加黃芩知母 季夏淫雨倍加羌活 秋

加桂五錢 冬加桂一兩亦可以意消息隨症增損而

用之

芎藭清神散消風壅化痰涎治頭目眩面熱

檀香控 人參去蘆 羌活去苗 防風去蘆各

薄荷去上 甘草 荆芥穗各二兩 石膏研四兩

細辛 去苗焙 五錢

右為末每服二錢沸湯點服或入茶末點服 此方虛熱可用

龍腦飲子治蘊積邪熱咽喉腫痛眼赤口瘡心煩鼻衄 丹溪云上中二焦藥也

砂仁 瓜蒌根 各三兩 藿香葉 二兩 石膏 四兩

甘草 蜜炙 六兩 梔子 微炒 十兩

右為末每服二錢至三錢用新汲水入蜜調下

無擇 加減涼膈散退六經之熱 丹溪云涼膈散心脾胃藥也

易老 涼膈散減大黃芒硝加桔梗甘草一法加防風同為舟楫之劑浮而上之治胃膈中與六經之熱以手足少陽之氣俱下膈絡胃中三焦之氣同相火遊於身之表膈與六經乃至高之分此藥浮載亦至高之劑故施於無形之中隨高而走去胃膈中及六經之熱也

梔子仁 一兩 五錢 芒硝 兩半 連翹 薄荷

黃芩 甘草 各一兩半 大黃 五錢

右為粗末每一兩水二盞竹葉七片同煎至一盞去渣入蜜少許食後服加姜煎亦得去六經熱減大黃芒硝加桔梗甘草人參防風治肺經邪熱咳嗽有痰加半夏涼膈與四物湯各半服能益血洩熱名雙和散錢氏云連翹加藿香石膏為瀉黃散

本事方 治大人小兒五臟積熱煩燥多渴唇裂喉閉目赤鼻頰結硬口舌生瘡陽明症傷寒發狂見鬼譫語大小便閉一切風壅並皆治之

山梔仁 甘草 赤芍藥 各一兩 大黃

朴硝 連翹 薄荷 淨 蘆薈 各二兩

右為散每服二錢水一盞入竹葉七片蜜三匙同煎至

七分去香食後服唯陽明症傷寒忌下 此藥局方亦載綠味數與用藥大段不同予一姪婦忽患熱病欲死付之一服立效後來累服累驗幸毋忽

又方

白朮 荆芥 赤芍藥各三兩 大黃

車前子生用 木通 甘草 當歸各二兩

右為細末大便秘結米泔調空心服三錢上膈壅熱或生赤丹或生癰瘡用水二盞煎六分若小便結如淋狀用蘆根打碎洗淨煎湯下五心煩熱用生姜一片同煎服效

小承氣湯方見傷寒 調胃承氣湯方見傷寒 四順飲子方見前氣血

桃仁承氣湯方見傷寒 大承氣湯方見傷寒

立效散治下焦結熱小便黃赤淋閉疼痛或出血

山梔炒半兩 瞿麥穗一兩 甘草炙三分

右為末每服五錢水一碗入連鬚葱根七箇燈心五十莖生姜七片同煎至七分溫服

石葦散治膀胱有熱水道淋澀或尿如荳汁及出砂石

石葦 木通 滑石 王不留行各二兩

甘草稍一兩 當歸 白朮 瞿麥 芍藥

葵子各三兩 黃芪二兩

右為細末每服煎湯調下空心服

經云胃足陽明之脈氣盛則身以前皆熱當取足三里等穴全文見刺灸

帝曰人有四肢熱逢風寒如炙如火者何也岐伯曰是人者陰氣虛陽氣盛四肢者陽也兩陽相得而陰氣虛少水不能滅盛火而陽獨治獨治者不能生長也獨勝而止耳逢風如炙如火者是人當肉燥也見逆調論燥消則也

手獨熱 大小便 澀閉血 痔屬下 熱

身前熱 屬陽明 四肢熱 屬陽盛 陰虛

掌中熱 胃實膈 煩屬中 熱

手足心
熱屬火

熱分五
臟

三物黃芩湯治婦人四肢煩熱方見產頰
治手足心熱用東垣火鬱湯方見後火鬱熱條
治手足心熱此方神妙

梔子 香附 蒼朮 白芷 半夏

川芎 右用神麴糊丸

身熱存五不同論 五臟有邪各有身熱其狀各異以手捫摸有三法以輕手捫之則熱重按之則不熱是熱在皮毛血脉也重按至筋骨之分則熱蒸手極甚輕摸之則不熱是熱在筋骨間也輕手捫之則不熱重手加力按之亦不熱不輕不重按之而熱是熱在筋骨之上皮毛血脉之下乃熱在肌肉也此謂三法以三黃丸通治之細分之則五臟各異矣

肺熱者輕手乃得微按全無營營然見於皮毛上為肺主

皮毛故也日西尤甚乃皮毛之熱也其症必見喘欬瀝瀝寒熱輕者瀉白散重者涼膈散白虎湯之類治之及地黃地骨皮散

心熱者心主血脉微按至皮膚之下肌肉之上輕手乃得微按至皮毛之下則熱少加力按之則全不熱是熱在血脉也日中太甚乃心之熱也其症煩心心痛掌中熱而噦以黃連瀉心湯導赤散硃砂丸安神丸清涼散之類治之脾熱者輕手捫之不熱重按至筋骨又不熱不輕不重在輕手重手之間此熱在肌肉遇夜尤甚其症必怠惰嗜臥四肢不收無氣以動以瀉黃散調胃承氣湯治實熱用之人參黃芪散補中益胃湯治中虛有熱者用之

肝熱者按之肌肉之下至骨之上乃肝之熱寅卯間尤甚者其脉弦其病四肢滿悶便難轉筋多怒多驚四肢困熱

筋痿不能起於牀瀉青丸柴胡飲之類治之兩手脉弦者或寅申發者皆肝熱也俱宜用之

腎熱者輕按之不熱重按之至骨其熱蒸手如火如炙其人骨蘇蘇然如虫蝕其骨困熱不任亦不能起於牀滋腎

丸六味地黄丸主之以脉言之則輕按之如三菽之重與重與血脉相得而數者心熱也如九菽之重與肌相得而數者皮熱也如十二菽之重與筋相得而數者肝熱也按之至骨舉指來疾而數者腎熱也

黃連瀉心火

木通瀉小腸火

黃芩瀉肺火

柴胡瀉肝火黃連佐之

白芍瀉脾火

石膏瀉胃火

知母瀉腎火

黃柏瀉膀胱火一日瀉

皮膚如火燎而以手重取之不甚熱肺熱也目白睛赤煩躁引飲單與黃芩一物湯

熱在皮毛日西屬肺甚喘咳

丹清金丸伐脾肺火 黃芩為末粥丸又名與點丸

右二方瀉肺中血分之火瀉白散瀉肺中氣分之火

瀉白散方見治虛實法五臟條 涼膈散 白虎湯方俱見前

瀉心湯瀉丁方見治虛實法五臟條

本事方治心熱千金地黄丸 黃連為末粥丸

黃連四兩為粗末 生地半斤研取汁連查併二味拌勻曬乾

右為細末煉蜜丸如桐子大每服三十九食後門冬湯下

門冬丸治心經有熱

麥冬兩 黃連兩

右為細末蜜丸如桐子大食後熟水下三十九

海清心丸治熱

熱在血脈口中甚煩心掌熱屬心

海清心丸治熱

麥冬兩 黃連兩

右為細末蜜丸如桐子大食後熟水下三十九

海清心丸治熱

麥冬兩 黃連兩

右為細末蜜丸如桐子大食後熟水下三十九

海清心丸治熱

醫心方卷五

黃栢生二兩

麥冬一兩

黃連一兩

龍腦錢一

煉蜜丸如桐子大每服十九臨臥門冬酒下或薄苛湯亦得

錢導赤散瀉丙方見治虛實法五臟條

海火府丹丙丁俱瀉

黃芩一兩

黃連一兩

生地二兩

木通三兩

為細末煉蜜如梧子大每服二三十丸臨臥溫水下

錢瀉黃散方見治虛實法五臟條

調胃承氣湯方見傷寒

瀉青丸方見

治虛實法五臟條

當歸龍薈丸

當歸焙

草龍膽

山梔

黃連

黃栢

黃芩各一兩

大黃

蘆薈

青黛各半兩

木香二錢

麝香半錢

熱在兩脇實卵甚多怒肝多驚屬

右為末煉蜜丸如小豈大小兒如麻子大生姜湯下二

二十九忌發熱諸物兼服防風通聖散

丹回金丸伐肝經火亦審虛實用之

黃連六兩

吳茱萸一兩

右為末粥丸

佐金丸佐肺金以伐肝木之邪

片苓六兩

吳茱萸一兩

右為末蒸餅丸

滋腎丸

黃栢二兩

知母二兩

肉桂二錢

右為末熟水丸如雞頭大每服百丸加至二百丸白沸

湯下空心服

治腎熱諸方並見勞瘵

或在腹或補屬

熱分腸
胃臍上
熱屬胃
臍下熱
屬腸

胃中熱則消穀令人懸心善饑臍已上皮膚熱腸中熱則

出黃如糜臍已下皮熱師傳篇○胃居臍上故胃熱則臍已

下熱如肝膽居臍上熱屬臍下故腸熱則臍已

則當腎背亦熱腎居腰腎熱則當腰亦熱可類推也

暴熱者病在心肺積熱者病在腎肝暴熱者宜局方雄

黃解毒丸積熱者宜局方妙香丸暴者上喘也病在心肺

謂之喘宜木香金鈴子散上焦熱而煩者宜牛黃散有

病久憔悴發熱盜汗謂之五臟齊損此熱勞骨蒸之病也

瘦弱虛損煩喘腸澀下血皆蒸勞也治法宜養血益陰熱

能自退此謂不治而治也錢氏地黃丸主之

雄黃解毒丸治上膈壅熱痰涎不利咽喉腫痛赤眼癰腫

暴熱肺
心

保木香金鈴散治暴熱心肺上喘不巴

火黃錢五

金鈴子核去

木香各三錢

輕粉少許

朴硝二錢

右為末柳白皮煎湯調下食後三四錢以利為度

牛黃散治上焦熱而煩不能臥睡

山梔

大黃

鬱金各半兩

甘草

右為末每五錢水煎溫服微利則已

妙香丸

丹溪云疏決腸胃制伏水火之劑

辰砂水飛八兩

龍腦

膩粉研

麝香研各八兩

牛黃兩半

金箔九十片研

巴菝

三百十五粒去皮心膜炒熟研如泥去油

右合研勻用淨黃蠟六兩入白礬七錢半同煉蜜勻為

丸每兩作三十九丸米飲吞下如要藥速行即用鍼刺一

眼入冷水浸少時服之

久熱屬勞瘵治法見瘵門

諸熱分而言之則有氣血表裏上下五臟之異合而言

久熱五
臟齊損

積熱腎
肝

之則氣熱表熱上焦熱心肺熱皆屬陽而治相類血熱裏熱下焦熱腎肝熱皆屬陰而治亦相類中焦與脾熱亦然

羅通治熱氣用黃連解毒湯治大熱甚煩躁錯語不得眠

黃連七錢 黃栢各半 山梔各半 黃芩兩

右咬咀每服五錢水煎去查熱服如未效再服

海前方中加防風連翹為金花丸治風熱加柴胡治小兒

潮熱與四物相合各半為湯治婦人潮熱

垣三黃丸治丈夫婦人三焦積熱上焦有熱攻衝眼目赤

腫頭項腫痛口舌生瘡中焦有熱心膈煩躁飲食不美下

焦有熱小便赤澀大便秘結五臟俱熱即生癰癤瘡瘻及

治五般痔疾糞門腫痛或下鮮血丹溪云此三焦藥也

黃連淨 黃芩去蘆 大黃各十兩

右為細末煉蜜丸如桐子大每服三十九丸熟水吞下視

臟腑虛實加減服之小兒積熱亦宜服

本紫雪治腳氣毒遍內外煩熱不解口中生瘡狂易叫

走瘴毒及解諸熱藥毒卒黃等毒并蠱魅野道熱毒又治

小兒驚疳熱病丹溪云此心脾肝腎胃經之藥

寒水石 石膏 磁石 滑石已上四味各三斤搗

至五斗去查入後藥 玄參一斤洗 沉香 羚羊角 犀角

青木香 升麻各五兩 丁香兩 甘草八兩已上八

前藥汁中再煎取一十五升去查入下頭二味藥 朴硝 硝石好者二斤

入前藥汁中微火煎不住手將柳木攪候七八升許投在盞中半日後欲凝方入下頭二味藥

辰砂三兩 麝香真者一兩二錢乳研已上二

合成後管二日每服一錢或二錢冷水食後調服大人

小兒子細加減局方又用黃金一百兩

經曰陰覆乎陽火不得伸宜汗之經曰體若燔炭汗出而散者是也 脉弦而數者此陰氣也宜風藥升陽以發火鬱則脉數峻退矣 凡治此病脉數者當用黃栢少加黃連柴胡蒼朮黃芪甘草更加升麻得汗則脉必下乃火鬱則發之意也

柴胡升陽湯治男婦四肢發熱肌肉熱筋痺熱骨髓中熱發如火燎火燒捫之令人亦熱四肢主屬脾脾者土也熱伏地中此病多因血虛而得又因胃虛過食冷物冰水無度鬱遏陽氣於脾土之中經曰火鬱則發之

升麻 獨活 羌活 各半

防風 甘草 生二錢 柴胡 五錢 炙甘草 二錢

人參 兩 白芍藥 兩

右咬咀每服半兩水三大盞煎至一盞去查稍熱服忌

冷物冰水月餘

垣火鬱湯治五心煩熱是火鬱于地中四肢土也心火下陷在脾土之中故宜升發火鬱

丹溪云治手足心熱用東垣火鬱湯○又手足心熱

升麻 葛根 防風 柴胡根

炙甘草 白芍藥 各五錢

右咬咀每服三四錢水二大盞入連鬚葱白三寸煎去

查稍熱服

運氣發熱有三

一曰火熱助心實而熱經曰歲火太過炎暑流行病甚則身熱骨痛而為浸淫又曰少陽所至為瘍疹身熱又曰少陰司天客勝則頭痛是少陽之發熱治以諸寒是也 二曰寒邪攻心虛而熱經曰歲水太過寒氣流行民病身

熱煩心燥悸陰厥又曰歲金不及炎火乃行寒復則陰厥
且格陽反上行發熱又曰少陽在泉主勝則熱反上行熱
發格中而嘔蓋主勝者謂冬寒勝少陽之客熱治以諸熱
是也

三曰風扇火及寒濕鬱火而熱經曰太陽司天之政初之
氣氣乃大溫民病身熱頭痛是風扇陽而熱也治宜清之
又云四之氣風濕交爭民病大熱少氣又云少陽司天之
政二之氣火反鬱白埃四起民病頭痛身熱是寒濕鬱火
而熱治視寒熱少多其制是也

鍼灸
靈黃帝曰刺節言徹衣夫子乃言盡刺諸陽之奇輸未有
常處也願卒聞之岐伯曰是陽氣有餘而陰氣不足陰氣
不足則內熱陽氣有餘則外熱內熱相搏熱於懷炭外長
綿帛近不可近身又不可近席腠理閉塞則汗不出舌焦

唇槁腊乾嗌燥飲食不讓美惡黃帝曰善取之奈何岐伯
曰取之於其天府大杼三痛又刺中膺以去其熱補手足
太陰以去其汗熱去汗稀疾於徹衣刺節真邪篇火熱
在上推而下之從下上者引而去之

甲身熱胃脇痛不可反側顛息主之 嗜臥身體熱不能
動搖大濕 三陽絡主之

乙兩手太熱為骨厥如在火中可灸湧泉穴三壯立安
撮手手心發熱 魚際以針向後三分少府三分 脚心發熱濕

痺 束骨先瀉後補 足底發熱脚核疼 公孫半寸瀉
素脉浮而濇濇而身有熱者死通詳虛實論 熱而脉靜者難

治玉機真藏論 脉盛汗出不解者死脉虛熱不止者死詳見傷寒發熱

勞瘵骨蒸熱

虛者皮毛肌肉筋爪骨髓氣血津液不足也若男女終日勞役神耗力倦饑飽越常喜怒憂思形寒飲冷縱欲恣情素問曰今人未及半百而衰者以酒爲漿以妄爲常醉以入房以慾竭其精以耗散其真根源從此而虛竭矣五臟六腑如何不弱五勞六極七傷從此而始何謂五勞心勞血損肝勞神損脾勞食損肺勞氣損腎勞精損六極謂筋脉肉皮毛骨痺損是謂六極七傷難經言之甚詳傷形與氣謂之七傷總而言之爲虛是也大抵五行六氣水特五之一耳夫一水既虧豈能勝五火哉虛勞等症蜂起矣其體虛者最易感於邪氣當先和解微利微下之從其緩而治之次則調之醫者不知邪氣加之於身而未除便行補劑邪氣得補遂入經絡致死不治如此誤者何啻千萬良可悲哉內經中本無勞症之說其曰勞者溫之溫者溫

存之義不足者補之以味穀肉菜果百味珍羞無非補也今之醫者不通其法唯知大補之道輕則當歸鹿茸雄附重則乳石丹砂加之以灼艾補燥其水水得熱愈涸生火轉甚少而成嗽痰血潮熱煩渴喜冷此則熱症明矣重則失音斷不可救猶且峻補不已如此死者醫殺之耳及遇良工治驗而以清劑解之不合病人之意反行恠責及聞發表攻裏之說畏而不從甘死於庸工熱補之手雖死不悔深可憫也夫涼劑能養水清火熱劑能燥水補火天下之事無出乎理理既明何患疾之不安勞爲熱症明矣還可補乎惟無邪無熱無積之人脉舉按無力而弱者方可補之又必察其胃中及右腎二火虧而用之心虛則動悸恍惚憂煩少色舌強宜養榮湯琥珀定神丸之類以益其心血脾虛面黃肌瘦吐利清冷腹脹腸鳴四肢無力飲食

不進宜快胃湯進食丸之類以調其飲食肝虛目昏筋脉拘攣面青恐懼如人將捕之狀宜牛膝益中湯虎骨丹之類以養助其筋脉肺虛呼吸少氣喘乏咳嗽啞乾宜枳實湯加人參黃芪阿膠蘇子以調其氣腎虛腰背脊膝厥逆而痛神困耳鳴小便頻數精漏宜八味丸加五味子鹿茸去附子用山藥等丸以生其精

勞瘵主陰虛痰與血病 虛勞漸瘦屬火陰火消鑠卽是積熱宜照後法治之

草還丹治陰虛骨蒸用青蒿一斗五升童便三斗文武火熬約童便減至二斗去蒿再熬至一升入猪膽七箇再熬數沸用甘草末收和爲丸梧子大每服五十九

治勞病四物湯加竹瀝入小便 陰虛發熱四物湯加黃栢降火補陰甚者加龜板

張文仲治骨蒸方生地黃一升搗取汁盡分再服利則減之以身涼爲度

右丹溪論勞瘵主乎陰虛者蓋自子至巳屬陽自午至亥屬陰陰虛則熱在午後子前寤屬陽寤屬陰陰虛則汗從寐時盜出也升屬陽降屬陰陰虛則氣不降氣不降則痰涎上逆而連綿吐出不絕也脉浮屬陽沉屬陰陰虛則浮之洪大沉之空虚也此皆陰虛之症用四物竹瀝又加炒栢龜板皆補陰降火之劑又須遠嗜慾薄滋味靜心調養以助之也

丹陰虛發熱四物湯加黃栢兼氣虛者加參芪白朮

御院瓊玉膏滋血補氣延年益壽

人參三十六兩去蘆

白茯苓二十四兩去皮研爲細末

生地

黃十六斤搗取汁以盡爲度去渣

蜜六斤

右和勻入銀石器瓶中內用油紙外用竹箬包以軟篾縛緊瓶口入重湯內懸胎煮之用桑柴文武火不住手三晝夜入井中浸一日夜出火毒又煮一日出陰毒取出每早空心用酒或白湯調下

羅清神甘露丸治男子婦人虛勞不足大骨枯大肉陷皆治之

生地汁 白蓮藕汁 生乳汁用生

右三味等分用砂石器內以文武火熬成膏子用後藥

人參 白朮 黃連 黃芪 五味子 胡黃連

右各等分為細末以前膏子和劑丸如桐子大每服五十丸人參湯下

海黃芪膏子煎丸

人參 白朮 各一兩半 柴胡 黃芩 各一兩

白芷 知母 各半兩 甘草 半兩 鱉甲 一兩手大者

黃芪 半斤為粗末用水二斗熬一斗去渣再熬今不住手攪成膏至半斤入白蜜一匙錫一兩再熬 右為末用黃芪膏和勻丸每早白湯服下

呼吸少氣懶言語無力動作目無睛光面色眊白皆兼氣虛也

補天丸治陰虛骨蒸發熱形羸瘦者紫河車洗淨用布絞乾用補腎丸藥末搗細焙乾再碾為末酒煮米糊為丸梧子大每服七八十九熱湯下夏月加五味子紫河車即初生男子胞衣也

補腎丸治陰虛有痰膈不清者

龜板 一兩半 黃柏 半兩 牛膝 二兩 乾姜 錢 陳皮 兩半

右為末姜汁打糊丸每服七八十九

治酒色過傷少陰

黃柏半兩

黃芩半兩

地黄一兩

龜板五兩

夏加砂仁三錢五味五錢冬加乾姜炒黑三錢用炊

餅為丸食前白湯服三五十九丹溪心法以地黃作黃柏

潔地黃丸治久新憔悴寢汗發熱五臟齊損瘦弱虛煩腸

澀下血骨蒸痿弱無力不能運動東垣云治脉沉而虛者

熟地八兩

山茱萸淨

山藥各四兩

牡丹皮

茯苓

澤瀉各三兩

右為細末煉蜜丸桐子大空心温酒服五十九

垣或問錢氏地黄丸補腎又曰補肝何也曰然手厥陰心

主包絡足厥陰肝經俱治在下焦經云不足者滋其化源

故肝腎之病同一治法此地黃丸補二經之意也海藏云若加五

味為腎氣丸此滋肺之源以生腎水

保黑地黃丸加五味子為腎氣丸治陽盛陰衰脾胃不足

房室虛損形瘦無方面多青黃而無常色此補氣益胃

蒼朮一斤

熟地一斤

五味子半斤

乾姜秋冬一兩夏半兩春

七錢

右為細末棗肉丸梧子大食前米飲或酒服百丸治血

虛久痔甚妙經曰腎苦燥急食辛以潤之此藥開腠理

生津液通氣又五味子酸以收之此雖陽盛而不燥熱

乃是五臟虛損於內故可益血收氣此藥類象神品方

也

治陽盛心肺不足宜八味丸四肢弱無力多困未知陰陽

先損夏可用地黃丸春秋宜腎氣丸冬宜八味丸

雲岐雞蘇丸治嗽血方見咳唾師

右治肺腎虛蓋肝心屬陽肺腎屬陰陰虛則肺腎虛矣
腎虛者從房室中來其症或腰痠腰痛或足痠足痿足
熱或遺精白濁是也肺虛者或咳嗽或吐血是也治腎
虛四方前二方龜板黃栢為君有痰無痰皆可用後二
方地黃為君無痰可用痰多而膈不清者宜審之治肺
虛咳嗽唾血者方法浩大另立咳嗽唾門也

虛勞皆積熱做成始健時可用子和法後日羸憊四物
湯加減送消積丸使熱不作也 蒸蒸發熱積病最多
小陷胷湯治濕痰發熱極妙 方見傷寒部結胷門
退實熱勞積痰

鱉甲

龜板

側栢

瓜蒌仁

半夏

黃連

黃栢

右為末炊餅丸

又濕痰發熱

黃芩炒

黃連炒

香附生

蒼朮

右為末瓜蒌穰為丸

青礞石丸 方見咳嗽

河間人參半

夏九 方見咳嗽

治施官人年三十餘不可勞動勞動則發熱脈洪而大
在右手短而濇在左手予謂此必酒痰成濕傷血又問之
遇少勞則喘乏力小便或赤或白

當歸

黃芪

人參各五分

芍藥一分

白朮二分

川芎五分

木通三分

黃芩三分

陳皮五分

厚朴五分

炙甘草二分

煎湯下青礞

石丸

羅柴胡飲子解一切肌骨蒸熱寒熱往來及傷寒發汗不
解或汗後餘熱勞復或婦人經病不快產後但有如此之

症並宜服之

黃芩

甘草炙

大黃

芍藥

柴胡

人參

當歸各半兩

右咬咀姜三片煎熱服

保防風當歸飲子治煩熱皮膚索澤食後煎服空心宜以此飲下地黃丸

柴胡

人參

黃芩

甘草

防風

大黃

當歸

芍藥各半兩 滑石二錢

右咬咀每服五錢水一盞半姜三片煎七分溫服如痰

嗽加半夏如大便黃米穀完出驚悸弱血淋閉欬血衄

血自汗頭痛積熱肺痿後與大金花丸

大金花丸

黃栢

黃芩

黃連

山梔各一兩

右爲細末水丸小荳大每服一百丸溫水下日二三服

或大便實加大黃自利如中外熱者此藥作散煎服名

解毒湯或腹痛嘔吐欲作利者每服解毒湯半兩加半

夏茯苓厚朴各三錢姜三片如白膿後重下利後重者

加大黃三錢

麥煎散治少男室女骨蒸婦人風血攻症四肢

赤茯苓

當歸

乾漆

鱉甲炙

常山

大黃煨

柴胡

白朮

生地

石膏各一兩

甘草半兩

右爲末每服三錢小麥五十粒水煎食後臨臥服若有

虛汗加麻黃根一兩東坡云此黃州吳判官療骨蒸黃

瘦口臭肌熱盜汗極效吳君寶之不肯妄傳

當歸龍薈丸治肝有積痰汚血結熱而勞瘵者其大衝脉

必與衝陽脉不相應宜以補陰藥吞此丸神效方見前

右牙擦兼痰積其症腹脇常熱手足頭面則於寅卯時
益平有涼時者是也若頑痰膠固難治者必以吐法吐
言或沉香滾痰丸透膈丹之類下之又甚者或用倒倉
法若痰積閉塞經脉則太衝脉與衝陽寸口脉數而不
相應者極難治自陰虛條至此凡六法但患勞者罕能
脫此六法自此以後數法宜審而行之無其病莫妄施
也

世 治骨蒸熱神效

前胡錢一

柴胡錢二

胡黃連錢一

猪脊髓錢一

猪膽筒一

右水煎入猪膽汁服之

石 地骨皮枳殼散治骨蒸壯熱肌肉消瘦少力多困夜多

盜汗

地骨皮

秦艽

柴胡

枳殼

知母

當歸

鳖甲醋炙

右等分為末水一盞桃柳枝頭各七箇姜三片烏梅一
箇去查臨臥服

羅 秦艽鳖甲散治骨蒸壯熱肌肉消瘦舌紅頰赤目倦盜
汗

柴胡

地骨皮各一兩

秦艽

知母

當歸各半兩

鳖甲一兩去裙襖

右為麤末每服五錢水一盞入烏梅一箇青蒿五葉同
煎至七分去查温服臨臥空心各一服

人參地骨皮散治臟中積冷營中熱按之不足舉之有餘
陰不足而陽有餘也

茯苓兩

知母

石膏各一兩

地骨皮

人參

柴胡

生地各一兩五錢

右咬咀每服一兩生姜三片水煎細細服

人參柴胡散治邪熱客於經絡肌熱痰嗽五心煩躁頭目昏痛夜有盜汗及婦人虛勞骨蒸尤宜

白茯苓

人參

白朮

柴胡

當歸

半夏麩

乾葛

甘草炙

赤芍藥已上各一兩

右為細末每服三錢姜四片棗三枚水煎帶熱服許學

但有勞熱症皆可服熱退即止大抵透肌葛根第一柴胡次之其方多黃芩半兩

右四方治虛損復受邪熱皆宜用柴胡衍義云柴胡本經並無一字治勞今人方中治勞鮮有不用者誤人甚

多常原病勞有一種真臟虛損復受邪熱因虛而致勞故曰勞者牢也當斟酌之如經驗方治勞熱青蒿煎

用柴胡正宜服之無不效熱去即須急已若無邪熱得此愈甚雖至死人亦不怨王海藏云苟無實熱醫取用

之不死何待後之用柴胡者宜審諸又大忌芩連栝驟用純苦寒藥反瀉其陽但當用瓊玉膏之類大助陽氣

火鬱湯方見前

柴胡升陽湯方見前

使其復還寅卯之位微加瀉陰火之藥是也

右二方治重陰覆其陽火不得伸或洒洒惡寒或志意不樂或脉弦數或四肢五心煩熱是也病去即已不可

過劑服寒涼藥症雖大減脉反加數者陽鬱也大忌寒涼宜升宜補犯之死速

問兩手寸關弦病脾弱火勝木旺土虧金鑠當作何治

答曰不治標本從乎中治木標也土本也火中也燠金虧土旺木者皆火也錢仲陽安神丸主之山積麥冬益金之

氣金益則氣旺而木自平寒水石牙硝火中添水使化為濕熱也濕熱為季夏之令非土而何故用硃砂以墜火下行將退與子權行濕令也故脉弦得除而土自旺秋喘加人參丹砂等夏則不加養氣者加沉香欲發汗者臨臥先與白粥一盞後藥之則汗也寒熱神少振搖小便淋或多或大便走完穀不化口乾舌縮唇吻有瘡心下痞大渴引飲惡乾喜濕目花四肢無力怠惰嗜臥食不入皮膚燥澁面色黧黑肌肉消鑠胃腹中急額上汗者法宜洩火益濕補氣脉弦浮沉者同治以安神丸主之方見治氣不化小便不利濕潤肌滑熱蒸陰少氣不化方見氣走小便利自汗肌燥瀼為迫津液不能停離珠丹主之方見弦數者陽陷于內從外而之內也弦則帶數甲經于乙繫則帶洪壬經于丙若弦虛則無火細則有水此二脉從內之外不

宜離珠丹



火令速行而土虛土虛則長夏不至難經曰虛則補其母資其化源當瀉火于金中補土是也

右寸顯弦數脉是東方實乃乘子勢也既瀉其子火木自虛矣以寒藥瀉火是補北方水木既乘火勢而來侮金當金中瀉火火退則水無所恃而自退是實則瀉其子也

五勞虛極羸瘦腹滿不能飲食食傷憂傷飲傷房室傷饑傷勞傷經絡榮衛氣傷內有乾血肌膚甲錯兩目黯黑緩中補虛大黃虫垂丸主之結在內者手足脈必相失宜此方然必兼大補劑瓊玉膏

- 大黃十兩
- 黃芩兩
- 甘草兩
- 桃仁升

杏仁升一 芍藥兩四 地黄兩半 乾漆一兩

重虫升一 水蛭枚百 鱗糟升一 麝虫斤半

右十二味為末煉蜜丸如小葶大日三服酒下五丸

陳大夫傳張仲景百勞丸治一切勞瘵積滯疾不經藥壞症者宜服

當歸炒 乳香 沒藥各一錢 人參一錢

大黃錢四 重虫十四枚 水蛭十四枚

右為細末煉蜜丸如桐子大都作一服可百丸五更百勞水下取惡物為度服白粥十日百勞水用杓揚百遍

仲景甘爛水是也

外臺治骨蒸桃仁一百二十枚去皮併雙仁留尖杵和為丸平旦井花水服今盡服訖量性飲酒仍須吃水多效隔

日又服一劑百日不得食肉

仲灸甘草湯一名復 治虛勞不足汗出而悶脉結悸行動

如常不出百日急者十一日死方見

海四物加減湯治婦人骨蒸

當歸 白芍藥 川芎 地黄已上補血

地骨皮瀉腎火 牡丹皮瀉包絡火

右咬咀水煎服

羅逍遙散治血虛勞倦五心煩蒸頰赤盜汗室女血弱陰

虛營衛不和月水不調痰嗽潮熱肌體羸瘦漸成骨蒸

茯苓 白朮 當歸 芍藥

柴胡 甘草炙

右咬咀生姜一塊煨切破薄荷少許同煎

右二方治婦人骨蒸大法若夫要處並同於前陰虛法取之 蒸病治者宜隨各經虛實內外淺深用藥加減

可也

古今錄驗五蒸湯

茯苓 甘草 人參 竹葉 地黃

葛根 知母 黃芩 石膏 粳米二合

右咬咀以水三盞煎小麥二合至二盞去麥煎藥至一

盞溫服隨症加減于後忌海藻松菜蕪蕘大醋

實熱 加黃芩 黃連 黃柏 大黃

虛熱 氣 加烏梅 秦艽 柴胡

血 加青蒿 鱉甲 蛤蚧 小麥 牡丹皮

肺蒸乾鼻 加烏梅 天冬 麥冬 紫苑

大腸乾右鼻孔 加大黃 芒硝

皮蒸唾血 加石膏 桑白皮

膚蒸昏昧 加丹皮

氣蒸鼻乾喘促 加人參 黃芩 山梔

心蒸舌乾 加黃連 生地

小腸下唇焦 加赤茯苓 生地 木通

血蒸髮焦 加生地 當歸 桂心 童便

脈蒸唾白浪語脈絡 加當歸 生地

脾蒸唇焦 加白芍 木瓜 苦參

胃蒸舌下痛 加石膏 粳米 大黃 芒硝 乾葛

肉蒸食無味而嘔 加白芍

肝蒸眼黑 加川芎 當歸 前胡

膽蒸眼白失色 加柴胡 括萎

筋蒸甲焦 加當歸 川芎

三焦蒸乍熱乍寒 加石膏 竹葉

腎蒸兩耳焦 加生地 石膏 知母 寒水石

膀胱蒸右耳

加澤瀉

茯苓

滑石

腦蒸頭眩

加生地

防風

羌活

髓蒸熱骨

加生地

當歸

天門冬

骨蒸齒黑腰痛足逆

加鱉甲

地骨皮

丹皮

生地

當歸

腎蒸腰細肢腫

加石膏

黃柏

胞蒸赤黃

加澤瀉

茯苓

生地

沉香

滑石

凡此諸症皆熱病後食肥甘油膩房事飲酒犯之而成
久蒸不除變成痲病死期近矣

牡丹皮治無汗之骨蒸能瀉陰中之火 知母治有汗之骨蒸

衍義治骨蒸勞用薄荷汁與衆藥熬成膏

經驗治患勞人燒香法玄參一斤甘松六兩為末煉蜜一
斤和勻入磁瓶內封閉地中埋甯半日取出更用炭末六

兩煉蜜六兩和勻入瓶內封甯五日取出燒使鼻中常聞

香氣疾自愈矣

鍼灸

撮要治骨蒸勞熱

膏膏

在四椎下五椎上各開三寸灸百壯詳見刺法門

三

摘英熱勞上氣喘滿

肺俞

五分留七呼灸七壯

尺澤

崔氏治骨蒸傳尸勞灸四花穴兼治赤白帶

第一次取二穴令患人正立取一蠟繩從足大姆指端男

右貼肉量至後跟上端至委中橫紋絕斷為則子復令患

人解髮分兩邊令見頭縫卻平身正坐取前則子從鼻端

貼肉上至頭縫下至項脊骨以則子盡處為記用墨點之

目不是穴又另取一繩令患人合口將繩兩頭至口吻當中鈎

起至鼻柱根如人字齊兩吻截斷却展直於前則子盡頭

墨記處橫量開取兩平頭是穴高下相平 第二次取

二穴令平身正坐又取一繩繞項向前雙垂與乳頭齊截
斷却背翻繩頭向項後以繩中停於結喉上其下雙垂繩
頭盡處當背骨中用墨點之亦不又取一繩令病人合口
橫量二吻截斷移於前脊中記處橫量取平須左右當中
兩頭是穴連前第一次通取共計四穴同時上火七壯至
二十壯灸至百壯候灸瘡瘡却取三次穴 第三次取二
穴將前第二次量口吻繩子於第一次雙繩頭盡處墨點
記上當脊骨直上下豎點令繩子中停中心在墨點處於
上下繩盡處是穴灸如前法

標幽體熱勞嗽 魄戶瀉

潔治骨蒸熱不可治者或前板齒乾燥 大椎

撮要又法 鳩尾灸二十七壯補之

右背俞取膏肓肺俞四花穴大椎等穴治勞瘵者皆見

陽氣下陷而寒熱往來也若多之早百發百中累試有
效

玉龍傳尸勞 湧泉第二足指端量至根盡折中是針三分

治無血必危凡欲出血 豐隆此穴治痰針入 丹田此

刺入二分便須彈指 治氣喘針入

男子婦人脈大為勞極虛亦為勞 男子面色薄者主
渴及亡血卒喘悸脈浮者裏虛也 勞之為病其脈浮大
手足煩春夏劇秋冬瘥陰寒精自出瘦削不能行 脈弦
而大弦則為減大則為扎減則為寒扎則為虛虛寒相搏
此名為革婦人則半產漏下男子則亡血失精 跌陽脈
浮而扎浮者衛氣衰扎者榮氣傷其體瘦肌肉甲錯浮扎
相搏榮氣衰微四屬斷絕
右胗脈浮而大或大而弦皆為虛勞者蓋陽盛陰虛之

症也暮多見之

仲男子婦人脉虛細弱者勞也 男子脉虛沉弦無寒熱短氣裏急小便不利面色白時目瞋兼衄少腹滿此為勞使之然 脉沉小遲名脫氣其人疾行則喘喝手足逆寒腹滿甚則澹泄食不消化也

石胗脉虛微細弦為虛勞者蓋陰陽俱虛之症也最多見之

玄珠骨蒸之極聲啞咽痛面黧脉躁直視汗出如珠喘乏氣促出而無入毛焦唇反此皆不治之症雖有神醫亦無如之何矣

傳尸勞熱

華治傳尸勞太乙明月丹其病肌瘦面黃嘔吐咳嗽不安先燒安息香令烟出病人吸之不嗽非傳尸也不可用

此藥若烟入咳嗽不止乃傳尸也宜用此藥

雄黃

木香各半兩

天靈蓋炙一兩

輕粉一分

鱉甲酥炙一兩

兔屎二兩

右為末用法酒一大升大黃末半分熬膏入前藥為丸

彈子大硃砂為衣五更初服勿令人知以童便和酒化

一丸服如人行十里許必吐出虫狀如燈心細長及如

爛瓜子又如蝦蟇狀各不同未效次日再服以應為度

緊治傳尸伏尸皆有虫須用乳香薰病人之手乃仰手

掌以帛覆其上薰良久手背上出毛長寸許白而黃者可

治紅者稍難青黑者即死最驗若熏之良久無毛者即非

此症乃屬勞瘵虛損即用前參芪温補之藥

選取傳尸伏尸勞虫法

天靈蓋

十字解者酥炙為末三分

安息香半兩

虎糞骨人骨為上獸骨

次之醋 鱉甲九肋大者 醋炙一兩 桃仁去皮尖 二錢半

麝香研另 檳榔為末 青蒿稍兩 豉三百粒

芴頭一百二十根 童便碗半 楓葉二十葉 桃柳東南

枝如筋大者每七條各七寸

右先將青蒿桃柳楓葉芴頭用水二官升煎半乾去渣入天靈虎糞骨鱉甲安息香童便煎取汁去渣約有四五合將檳榔麝香研勻調作一服早晨空腹服以被蓋汗恐汗內有細虫以白紙拭之投火中湏臾必下如有虫以大火焚之棄流水中所用藥勿令病者知之半月後氣血復完再進一服依前法三次無虫乃止以美飲食調理其病自愈此方必有阿魏半錢

無又方

桑枝 柳枝 石榴枝 桃枝

梅枝各七莖 長四寸 青松一小握

右用童便一升半芴白七莖去頭葉煎及一半去渣別入安息香阿魏各一分煎至一鍾瀘去查調辰砂末半錢檳榔末一分麝香一字分作二服調下五更初一服五更三點時一服至巳牌後取下虫色紅者可治青者不治見有所下即進稀粥飲温煖將息不可食粉麵生冷毒物合時湏擇良日不得令猫犬孝服穢惡婦人見之

濟 神人阿魏散治骨蒸傳尸等寒熱羸勞困倦喘嗽

阿魏三錢 青蒿一握 東北方桃枝一握

甘草如病人中指許大 男左女右細剉

右以童便二升半隔夜浸藥明旦煎取一大升空心温服分為三服每次調入檳榔末三分如人行十里再進

一服男病女煎女病男煎合藥時忌孝子孕婦病人及腥穢鷄犬等物服後忌油膩濕麵生冷硬物服至一二劑即吐出虫子或瀉出更不須服餘藥若未吐利即當盡服病在上則吐在下則利皆出虫如馬尾人髮即愈服藥後覺五臟虛弱竟魄不安即以白茯苓湯補之

白茯苓錢一

人參錢五

遠志二錢去心

龍骨

防風錢二

甘草分三

生地錢四

麥冬四錢去心

犀角末錢五

大棗枚七

右以水二大盞煎作八合分三服溫服如人行十里一服仍避風寒若覺未安隔日更作一劑已上藥餌須連服之

羅犀角紫河車丸治傳尸勞三月必效其餘勞症只消數服

紫河車一具米泔浸一宿洗淨焙乾

鱉甲酥炙

桔梗

胡黃連

白芍

大黃

敗鼓皮心炙

貝母去心

龍膽草

黃藥子

知母已上各二錢半

芒硝

犀角

蓬朮各一錢半

朱砂錢二

右為細末煉蜜丸如梧子大硃砂為衣空心溫酒服三四十丸

本草葛洪云鬼症者是五尸之一症又按諸鬼邪為害其變動乃有三十六種至九十九種大畧使人淋漓沉沉默默於死傳於旁人乃至滅門覺知是候者急治癩肝一具陰乾取末水服方寸七日三服效未知再服此方神良天慶觀一法師行考校極精嚴時一婦人投狀述患人有所附須臾乃附語云非我所禍別是一鬼亦自病人命衰為祟

耳今已成形在患人肺中為虫食其肺系故令吐血聲嘶
師掠之曰此虫還得長生否久而無語再掠之良久云唯
畏獺爪屑為末以酒服之則去矣患家如其言得愈此予
所目見也究其患亦相似獺爪者獺肝之類歟

肘後治屍疰鬼疰病用桃仁五十枚研碎以水煮取四升
作一服盡當吐如病不盡二三日再服

玄治傳屍蠱瘵之症父子兄弟互相傳染甚者絕戶此乃
祖父冤債或風水所係雖有符文法水下虫之法然虫去
人亡亦未為全美若能平素保養則自愈矣

產後發熱
大全人參湯治產後諸虛不足發熱盜汗

人參 當歸等分
右為末以猪腰子一具去脂膜切小片子以水三升糯

米半合芴白二條煮米熟取清汁一盞入藥末二錢煎
至八分不拘時溫服

羅犀角飲子治產後亡津液虛損時自汗出發熱困倦唇
口乾燥

犀角 麥冬 白木各半兩 柴胡兩一
枳殼炒 地骨皮 生地 甘草炒

當歸 人參 茯苓 黃芩
黃蘗各七錢

右咬咀入浮麥七十粒姜三片同水煎每服四錢
產後發熱多屬虛寒惟乾姜加入補藥中神效此丹溪
法也

此如肥人戰寒十一餅... 同水煎服四錢

黃連

人參

茯苓

黃芩

甘草

白朮

醫學綱目卷之六

醫學綱目卷之六

陰陽臟腑部

治惡寒

陽虛惡寒正治

丹陽虛惡寒用參芪之類甚者加附子少許以行參芪之氣 未康呂親家形瘦色黑平生喜酒多飲不困年近半百且有別館忽一日大惡寒戰且自言渴却不能飲予診其脉大而弱惟右關稍實畧類弦重取則澁遂作酒熱內鬱不得泄由表熱而下虛也黃芪一物與乾葛同煎與之盡黃芪二兩乾葛一兩脉得小次日安矣 垣脾胃之虛怠惰嗜臥四肢不收時值秋燥令行濕熱少退體重節痛口舌乾食無味大便不調小便頻數不嗜食食不消兼見肺病洒淅惡寒氣慘慘不樂面色惡而不和乃陽氣不伸故也當升陽益胃名曰升陽益胃湯

羌活兩半

柴胡三錢

獨活兩半

白朮三錢

人參去蘆一兩 甘草炙一兩 防風半兩以其秋旺故以辛溫瀉之

半夏一兩湯洗脈 黃芪二兩 茯苓二錢小

渴者勿用 澤瀉三錢不淋者勿用 黃連二錢

橘皮四錢 白芍藥五錢何故秋旺用人參白朮芍藥之類反補旺為脾胃虛則肺受病故因時而補母虛也

右咬咀每服三錢生薑五片棗二枚去核水三盞同煎至一盞去查溫服早飯後午飯前服之禁忌如前其藥漸加至五錢止服藥如小便罷而病加增劇者是不宜利小便當少去茯苓澤瀉若喜食初二日不可飽食恐胃再傷以藥力尚少胃氣不得轉運升發也須薄滋味或美食助其藥力益升浮之氣而滋其胃氣慎不可淡食以損藥力而助邪氣之降沉可以小役形體使胃與藥轉運升發慎勿大勞役使復傷胃氣若脾胃得安

靜尤佳若胃氣稍強少食果以助穀藥之力五穀為養五菓為助者也禁忌如前者服藥忌忌語話一二時辰及酒濕麵大料物及冷蒸寒涼淡滲之物

黃芪補胃湯治表虛惡賊風

黃芪三錢 甘草一錢 麻黃一錢 草苴薹一錢

橘皮一錢 青皮七分 當歸一錢 香白芷一錢

升麻三分 藁本三分 柴胡六分 黃柏八分

右剉如麻豆大水二盞煎至一盞去查稍熱食前服丹晉雲胡君錫年三十一歲形肥而大色稍蒼厚家富而足更專嗜口味兩年前得消渴病醫與寒涼藥而得安有一人教以病後須用滋補令其專用黃雌雞因此食至千餘隻漸有膈滿嘔吐之病醫者意為胃寒遂以附子沉香之藥百餘貼嘔病除月餘天氣大熱忽惡風足亦怕地氣

遂堆糠尺許厚上鋪以簞糊以重紙方可坐臥而兩手不能執筆口鼻皆無氣以呼吸欲言無力行十餘步便困倦脉皆浮大而虛僅得四至予作內有濕痰因多服燥熱藥遂成氣耗血散當此夏令自合便死因其色之蒼厚元氣尚全可以安穀遂以人參黃芪白朮熬膏煎淡五味子湯以竹瀝調飲之三日諸病皆愈令其頓絕肉味一月後康健如舊又以雞湯下飯一月後胸腹膨滿甚自煎二陳湯加附子白苳蔻飲之其病頓除遣人問調理藥予教以絕去諸藥與肉飲自然平安

右陽虛惡寒五法皆以參芪為君首一法佐以附子中三法佐以升陽之劑末一法佐以消痰之劑也

垣夫脾胃之症始則熱中終傳寒中經云陰盛生內寒厥氣上逆寒積於胃中是腎水反來侮土此謂所勝者妄行

也作中滿脹作涎作清涕或溺足下痛不能任身履地骨乏無力喜睡兩丸多冷時作陰陰而痛或安見鬼狀夜夢亡人腰背脚眼腰脊俱痛而不渴不瀉此溫氣去寒獨留寒獨留則血凝泣血凝泣則脉不通故其脉盛大以濇名曰寒中

白朮附子湯

- | | | | |
|----|----|----|-----|
| 白朮 | 附子 | 陳皮 | 蒼朮 |
| 厚朴 | 炮 | 皮 | 制 |
| 猪苓 | 半夏 | 茯苓 | 澤瀉 |
| 去皮 | 湯包 | 去 | 各一兩 |
| 半兩 | 四錢 | | |
| 肉桂 | | | |
| 錢四 | | | |
- 右剉如麻苳大每服五錢水二盞生薑三片煎至一盞食前溫服量虛實加減

夫病熱中症者衝脉之火附二陰之裏傳之督脉督脉者第二十一顛下長強穴是也與足太陽膀胱寒氣為附經

督脉其盛也如巨川之水疾如奔馬其勢不可遏太陽寒氣細細如線督脉逆太陽寒氣上行衝頂入額下鼻尖入手太陽傳於胷中手太陽者丙熱氣也足太陽膀胱者壬寒氣也壬能尅丙寒熱逆於胷中故脉盛大其手太陽小腸熱氣不能交入膀胱經故十一經之盛氣積於胷中故其脉盛大其膀胱逆行盛之極子能令母實手陽明大腸金卽其母也故燥旺其燥氣挾子之勢故脉濇而大便不通以此言之脉盛大以濇者手陽明大腸脉也

若見此病中一症皆爲寒禁用諸甘酸藥

素帝曰人身非衣寒也中非有寒氣也寒從中生者何岐伯曰是人多痺氣也陽氣少陰氣多故身寒如從水中出帝曰人有身寒湯火不能熱厚衣不能溫然不凍慄是爲何病岐伯曰是人者素腎氣勝以水爲事太陽氣衰腎

痺病惡寒

寒分氣血

脂枯不長一水不能勝兩火腎者水也而生於骨腎不生則髓不能滿故寒甚至骨也所以不能凍慄者肝一陽也心二陽也腎孤藏也一水不能勝二火故不能凍慄名曰骨痺是人當斃節也逆調論

東垣云晝則惡寒是陰氣上溢於陽分也夜則惡寒是陰血自旺於陰分也

新加湯方見傷寒體痛桂枝加附子湯方見傷寒自汗桂枝加芍藥人參

血分寒 巴戟丸 神珠丸方見治虛實法

巴戟丸

良薑兩六 紫金藤兩十六 巴戟兩二 青塩兩二

肉桂 吳茱萸各四兩

右爲末酒糊丸每服二十九丸暖鹽酒送下鹽湯亦得

三焦寒用藥大例

上焦寒陳皮厚朴藿香 中焦寒大小便不通白朮乾薑
丁香 下焦寒肉桂附子沉香

桂附丸

二氣丹

還少丹

上焦

鐵刷湯

中焦

下焦

八味丸

胡椒理中丸

大建中湯

天真丹

胡椒理中丸

欬冬花去梗

胡椒

甘草炙

萹撥

良薑各四兩

白朮五兩

乾薑

陳皮去白

細辛去苗各四兩

右為末煉蜜丸如梧子大每服五十九丸溫湯酒米飲任

下

鐵刷湯

良薑炒六兩

茴香各二兩

甘草炙一兩

蒼朮米泔浸一宿八兩

右為細末每服二錢薑三片鹽一捻水一盞煎至七分

溫服或熱酒調下

二氣丹

肉桂去粗皮

硫黃細研各一錢

乾薑炮

硃砂研為衣各二錢

附子製一箇去皮臍炮為末半兩

右為細末研勻麵糊為丸梧子大每服三十九丸鹽湯下

附子理中丸

人參去蘆

附子炮去皮臍

乾薑炮

甘草炙

白朮各三兩

右為末煉蜜和丸每一兩作十九丸每服一丸以水一盞

化破煎至七分服

大建中湯治內虛裏急少氣手足厥逆少腹攣急或腹滿
弦急不能起臥微汗出陰縮或腹中寒痛不堪勞苦唇口
乾精自出或手足乍寒乍熱而煩苦酸痛不能久立補中
益氣

桂心錢一

芍藥

黃芪各二錢

甘草一錢

生薑錢五

當歸

人參各三錢

附子半錢

半夏錢二

棗三枚

右咬咀水五盞煎至三盞去渣分三服

垣天真丹治下焦陽虛

沉香

巴戟酒浸炒

茴香鹽炒香 破故紙炒

萹薺酒浸

胡蘆巴炒

杜仲剉炒 琥珀各兩

官桂錢五

牽牛炒黑去鹽取

右為末用浸藥酒糊為丸梧子大每服五十九至八十

九空心溫酒下

海下焦寒四逆例乾薑味苦能止而不行附子味辛能行
而不守泄小便不通二藥皆陽氣化能作小便若薑附木
三味內加茯苓以分利之為佳附生用而不炮則無火力
熱則行而不止兼以水多煎少則熱直入下焦

代灸膏治老人衰弱元氣虛冷臟腑虛滑腰脚冷痛沉重
飲食減少手足逆冷不能忍者用此代灸其効不能盡述

大附子一箇

吳茱萸

桂皮

木香

蛇牀子各半兩

馬藟草一兩

右為細末每用藥半匙白麵半匙生薑汁半盞用煎成
膏攤於紙上臨臥貼臍以油紙覆其上綿衣繫之自夜
至明乃去每夜如此貼之其腰腹如炙百壯除寒積腰
疼貼腰眼

背惡寒是痰飲仲景云心下有留飲其人背惡寒冷如米
 治法茯苓丸之類是也方見驚悸 身前寒屬胃經云胃足陽
 明之脉氣虛則身以前皆寒慄治法宜鍼法補三里穴是
 也 手足寒者厥也治見厥 掌中寒者腹中寒魚上白肉
 有青血脉者胃中有寒也腹胃寒理中之類也○全見診法

五臟寒方

肝寒雙和湯方見治虛實法

心寒定志丸菖蒲丸方見小兒

脾寒益黃散方見小兒

肺寒小青龍湯方見傷寒

腎寒八味丸方見治虛實法

海通治大寒

大已寒丸 四逆湯

垣沉香桂附丸

沉香 附子炮 肉桂 乾薑炮
 良薑 吳茱萸 茴香炒 川烏各一兩

右為末醋煮麵糊為丸桐子大每服五七十九米飲下
 食前一服忌生冷

海大已寒丸

葷撥 肉桂各四兩 乾薑炮 良薑各六兩
 右為細末水煮麵糊為丸如梧子大每服二十粒米飲
 湯下食前服

垣諸脉按之無力所生病症 六脉中之下得弦細而瀼
 按之無力腹中時痛心胃相控舉隱隱而痛或大便溏泄
 鼻不聞香臭清濁涕止目中淚出喘喝痰嗽唾出白沫腰
 沉沉苦痛項背骨節時作痛目中流火口鼻惡寒時時頭
 痛目眩苦振寒不止或嗽或吐或嘔或噦則發燥蒸蒸而
 熱如坐甑中必得去衣居寒處或飲寒水則便如故其振
 寒復至或氣短促胃中滿悶而痛如有膈咽不通欲絕之

狀甚則口開目瞪聲聞於外而淚涕痰涎大作其發燥方過而振寒復至或面白而不澤者脫血也悲愁不樂情慘意悲健忘或善嚏此風熱大損寒水燥金復也如六脉細弦而濇按之空虛此大寒症也亦傷精氣以辛甘溫熱潤之劑大瀉西北二方則愈

薑附湯治中寒口噤四肢強直失音不語忽然暈倒口吐涎沫狀如暗風手足厥冷或復煩燥兼治陰証傷寒大便利而發熱者

乾薑

熟附子分等

右咬咀每服四錢水一盞半煎至七分去渣溫服或慮此藥性太燥即以附子理中湯相繼服餌薑附本治傷寒經下後又復發汗內外俱虛身無大熱晝則煩燥夜則安靜不渴六脉沉伏並宜服此不知脉者更宜審之

兼治中脫虛寒久積痰水心腹冷痛霍亂轉筋四肢厥逆一方附子湯以生用者名曰白通湯一方白通湯內加白朮倍之甘草減半名生附子白朮湯治中風濕昏悶恍惚腹脹滿身重手足痲痺熱熱自汗失音不語便利不禁一方用薑附湯加麻黃白朮人參甘草等分名附子麻黃湯治中寒濕昏暈緩弱腰脊強急口眼喎僻語聲渾濁胸腹脹氣上喘急不能轉動更宜審而用之

六月病寒者宜從中治

海六月大熱之氣反得大寒之病氣難布息身涼脉遲何以治之答曰病有標本病熱為本大寒為標用涼則順時而失本用熱則順本而失時故不從乎標本而從乎中治中治者何用溫是已然既曰溫則不能治大寒之病治大寒者非薑附不可若用薑附又似非溫治之例然衰其太

半乃止脉得四至餘病便無令治之足矣雖用薑附是亦中治也非温而何經曰中熱遠熱雖用之不當然勝至可犯亦其理也

右虛寒正治蓋謂脉虛而惡寒者設也脉虛惡寒真寒也故正治

丹色目婦人年近六六月內常覺惡寒戰慄喜炎火御綿多汗如雨其形肥肌厚已服附子十餘貼渾身痒甚兩手脉沉瀋重取稍大知其熱甚而血虛也以四物去川芎倍地黃加白朮黃芪炒黃栢生甘草人參每服一兩重方與一貼腹大泄目無視口無言予知其病勢深而藥無反佐之過也仍用前藥熱炒與之蓋借火力爲向導一帖利止四帖精神回十帖病瘥安 蔣氏年三十餘形瘦面黑六月喜熱惡寒兩手脉沉而瀋重取似數以三黃丸下之

以薑湯每服三十粒二十帖微汗而安

三黃恐是三補丸苓連栢也

海婦人先病惡寒手足冷全不發熱脉入至兩脇微痛治者便作少陽治之陽在內伏于骨髓陰在外致使發寒治當不從內外從乎中治也宜以小柴胡調之倍加薑棗

子和一婦人身冷脉微食沸熱粥飯六月重衣以衣帽蒙其首猶覺寒泄注不止常服薑附硫黃燥熱之劑僅得平和稍用寒涼其病轉加三年不愈戴人診其兩手脉皆如橫繩有力一息六七至脉訣曰六數七極熱生多以涼布熨心以新汲水淋其病處婦乃叫殺人不止令人時時復以冷水淋之至三四十桶大戰汗出昏困一二日而向之所惡者皆除此法本於華陀所用世無知者

素陽明所謂洒洒振寒者陽明者午也五月盛陽之陰也陽盛而陰氣加之故洒洒振寒也

脉解篇

濕痰惡寒宜吐

右寒實反治蓋謂脉實而惡寒者設也脉實惡寒假寒也故反治

丹久病惡寒當用解鬱 濕痰積中抑遏陽氣不得外泄身必惡寒 進士周本道年近四十得惡寒症服附子數百帖而病甚予診其脉弦而緩遂以江茶入生薑汁香油些少吐痰一升許減大半又與通聖散去麻黃大黃芒硝加當歸地黃百帖而安

一女子惡寒用苦參赤小豆各一錢為末壘水吐後

川芎 南星 蒼朮 黃芩 酒麴丸服

上焦不通則陽氣抑遏而皮膚分肉無以溫之故寒慄東垣升陽益胃湯用升發之劑開發上焦以伸陽明出外溫之也丹溪吐出濕痰亦開發上焦使陽氣隨吐升發出外溫之也故寒慄皆愈二者治陽虛表寒之要

運氣惡寒有三

一曰火熱經曰諸禁鼓慄如喪神守皆屬於火又云少陽所至為惡寒戰又云少陽在泉客勝則腰腹痛而反惡寒治以寒劑是也

二曰風經云厥陰在泉風淫所勝病洒洒振寒治以辛涼是也

三曰寒濕包熱經云陽明司天之政清熱之氣持於氣交民病振寒四之氣寒雨降病振慄治視寒熱輕重多少其制是也

治寒厥必先熨

靈陰陽者寒暑也熱則滋雨而在上根荄少汁人氣在外皮膚緩腠理開血氣減汗大泄皮淖澤寒則地凍水水人氣在中皮膚緻腠理閉汗不出血氣強肉堅濇當是之時善行水者不能往冰善穿地者不能鑿凍善用針者亦不

能取四厥血脉凝結堅搏不往來者亦未可即柔故行水者必待天溫米釋凍解而水可行地可穿也人脈猶是也治厥者必先熨調和其經掌與腋肘與腳項與脊以調之火氣已通血脉乃行然後視其病脈淖澤者刺而平之堅緊者破而散之氣下乃止此所謂以解結者也刺節真邪篇○下同用針之類在於調氣氣積於胃以通榮衛各行其道宗氣留於海其下者注於氣衝其上者走於息道故厥在於足宗氣不下脉中之血凝而留止弗之火調弗能取之用針者必先察其經絡之實虛切而循之按而彈之視其應動者乃後取之而下之六經調者謂之不病雖病謂之自已也

大寒在外留而補之入於中者從合瀉之針所不為灸之所宜官能篇○從合治之

黃帝曰人之振寒者何氣使然岐伯曰寒氣客於皮膚陰氣盛陽氣虛故為振寒寒慄補諸陽

鍼灸臟腑惡寒有三

其一取肺經云振寒鼓頷不得汗出腹脹煩窵取手太陽是也 其二取胃經云胃足陽明之脈是動則病洒洒振寒善伸數欠視盛虛熱寒陷下取之也 其三取膽經云膽足少陽之脈所生病者汗出振寒視盛虛熱寒陷下取之也

針多下

撮下部寒冷 關元 腎俞

桑君又法 氣海 中極

甲振寒瘕瘕手不伸咳嗽唾濁氣膈善嘔鼓頷不得汗煩滿身痛因為瘕瘕尺澤主之 頭項惡風汗不出悽厥惡寒嘔吐目系急痛引額頭重項痛玉枕主之 悽悽振寒

數欠伸鬲俞主之

審語通身惡寒筋脉拘急十指不得近風

絕骨

二寸半推而上之
令氣中和為解

治往來寒熱

靈榮之生病也寒熱少氣血上下行

壽天剛
柔篇

仲云婦人中風七八日續得寒熱發作有時經水適斷此

為熱入血室其血必結故使如癰狀發作有時小柴胡湯

主之

方見
傷寒

海小柴胡加減法

如寒熱往來經水不調去半夏加秦

芎芍藥當歸知母地骨皮牡丹皮川芎白朮茯苓如小

柴胡湯與四物湯各半名調經湯無孕嘔者加半夏

無汗者加柴胡惡寒者加桂有汗者加地骨皮嗽

者加紫苑通經者加京三稜廣茂勞者加鱉甲

感寒飲
冷脉沉
高者屈
寒

羅完顏小將軍病寒熱間作腕後有班三五點鼻中微血
出兩手脉沉澹胸膈四肢按之殊無大熱此內傷寒也問
之向者臥殿角傷風又渴飲冰酪水此外感者輕內傷者
重外從內病俱為陰也故先班後顯內陰症寒熱間作
脾亦有之非徒少陽之寒熱也與調中湯數服而愈

調中湯

白茯苓

乾薑

白朮

甘草各等分

右剉如麻苴大每服五錢水一盞半煎

經云風氣盛於皮膚之間內不得通外不得洩風者善行
而數變腠理開則洒然寒閉則熱而悶其寒也則衰飲食
其熱也則消肌肉故使人怵慄而不能食名曰寒熱皮膚
為寒熱○全文見風
門怵慄一作失味因於露風乃生寒熱全文見
五臟風
盛為寒熱全文
見診

河解風湯治中風寒熱頭目昏眩肢體疼痛手足麻痺上
膈壅沸

人參

川芎

獨活

甘草

麻黃

去節湯洗
焙各一兩

細辛

牛

右為末每服三錢水一盞生薑五片薄荷葉少許同煎

至八分不計時候

防風湯治中風寒熱

防風

甘草

黃芩

桂枝

當歸

白茯苓

秦艽

乾葛

杏仁

王十
枚

右為散水酒薑棗煎服

麻大腸有宿食寒慄發熱有時如瘧輕則消導重則下之
見脫丸之類並
宿食門求之

右積聚而寒熱以積聚法治之

雲地骨皮散治血中風氣體虛發渴寒熱

柴胡

地骨皮

桑白皮

枳殼

前胡

黃芪

白茯苓

五加皮

人參

甘草

桂心

芍藥

右咬咀每服三錢生薑三片水煎

柴胡散治寒熱體瘦肢節疼痛口乾心煩

柴胡

黃芪

赤茯苓

白朮

人參

地骨皮

枳殼

桔梗

桑白皮

赤芍藥

生地黃

麥門冬

甘草

右咬咀每服四錢薑五片水煎

本事有一師尼患惡風體倦乍寒乍熱面赤心煩或時自

汗是時疫氣大行醫見其寒熱作傷寒治之大小柴胡雜
進數日病劇予診視之三部無寒邪脉但厥陰弦長而上
魚際宜服抑陰等藥予製此地黃丸

生地黃兩

柴胡

秦艽

黃芩各半兩

赤芍藥兩

右細末煉蜜丸桐子大每服三十九烏梅湯吞下不拘
時候日三服昔宋褚澄療師尼寡婦別製方蓋有為也
此二種寡居獨陰無陽慾心萌而多不遂是以陰陽交
爭乍寒乍熱全類溫瘧久則為勞嘗讀史記倉公傳載
濟北王侍人韓女病腰背痛寒熱衆醫皆以為寒熱也
倉公曰病得之欲男子不可得也何以知其然診其脉
肝脉弦出寸口是以知之蓋男子以精為主婦人以血
為主男子精盛則思室婦人血盛則懷胎夫肝攝血故

也厥陰弦出寸口又上魚際則陰血盛可知褚澄之言
信有為矣

右地黃丸雖曰抑陰實補陰瀉陽之劑也

丹趙孺人夜間發寒後便熱丑寅時退起來口渴食少無
味穀不化腹痛而泄倦怠或遇事則熱燥赤眼氣壅又不
耐風寒亦惡熱

白米錢

芍藥錢炒

陳皮錢

黃芩錢半

炒栢錢

炙甘草分

炒苓分

牡丹分

木通分

人參錢半

歸身錢

確砂分

煎下保和丸實腸丸各三十九

呂十四孺人怒氣後寒熱咳嗽食少淋泄

縮砂分

甘草分

人參錢半

白木半錢

連翹錢

陳皮錢

茯苓錢

薑二片同煎

潤肺散治嗽方見 大柴胡湯治結熱在裏往來寒熱

有宿食者以宿食法治之

臟腑寒熱有四

一曰肺經云脉之至也喘而虛名曰肺痺寒熱得之醉而使內也又曰肺脉微急為肺寒熱是也

二曰脾經云脾脉小甚為寒熱是也

三曰大陽經云三陽為病發寒熱是也

四曰陽維難經云陽維為病苦寒熱是也

運氣

運氣寒熱有二 一曰火熱攻肺經云少陰司天熱氣下臨肺氣上從喘嘔寒熱又云少陽司天火氣下臨肺氣上從寒熱附腫又云少陰司天熱淫所勝寒熱皮膚痛又云歲木不及燥乃大

行復則病寒熱瘡瘍治以寒劑是也

二曰寒熱相錯經云陽明司天之政天氣急地氣明民病寒熱發暴三之氣燥熱交合民病寒熱又云陽明司天燥氣下臨肝氣上從民病寒熱如瘡又云少陰司天之政四之氣寒熱互至民病寒熱治視寒熱多少其制是也

子和武陽仇天祥之子病發寒熱諸醫作骨蒸勞治之半年病甚戴人往視之診其手脉尺寸皆朝於關關脉獨大戴人曰肺癰也問其乳媪曾有痛處乳媪曰無戴人令兒去衣舉其兩手觀其兩脇下右脇稍高戴人以手側按之兒移身避之按其左脇則不避戴人曰此肺部有癰已吐膿矣

針灸上

素灸寒熱之法先灸項大椎以年為壯數王註云如患人之年數次灸掖骨以年為壯數尾等謂之掖骨視背膂陷者灸之膏肓等陷者為筋

骨之閒陷中也王註舉臂肩上陷者灸之肩隅穴也兩季脇之
背胛骨際有陷處也京門穴也外踝上絕骨之端灸之陽輔穴也足小指次指間
間灸之俠溪穴也外踝後灸之崑崙穴也缺盆骨
灸之承筋穴也外踝後灸之崑崙穴也缺盆骨
上切之堅動如筋者灸之當隨其所膺中陷骨間灸之天
穴也未詳掌束骨下灸之未詳臍下關元三寸灸之毛
際動脈灸之氣衝穴也膝下三寸分間灸之三里穴也足陽明附上
動脈灸之衝陽穴也巔上一灸之百會穴也凡當灸二十九處灸之
不已者必視其經之過於陽者數刺其俞而藥之按項大
也上一灸之二十九處
靈皮寒熱者不可附席毛髮焦鼻槁腊不得汗取三陽之
絡以補手太陰肌寒熱者肌痛毛髮焦而唇槁腊不得汗
取三陽于下以去其血者補足太陰以出其汗骨寒熱者
病無所安汗注不休齒未槁取其少陰于陰股之絡齒已

骨寒熱
汗出不
止難治

槁死不治骨厥亦然寒熱病篇○無汗而寒熱者屬表可
治也治寒熱汗出不休骨寒熱者已入骨

肺寒熱
咳喘

邪在肺則病皮膚寒熱上氣喘汗出欬動肩背取之膺中
外膺背三節五臟之傍以手疾按之快然乃刺之取之缺
盆中以越之五邪篇

肝寒熱
小便不利
口苦

小腹滿大身時寒熱小便不利取足厥陰全文見經云
絡病者善太息口苦下利寒熱取陽陵泉全文見

風寒熱
取分理

素病風且寒且熱汗出一日數過先刺諸分理絡脈汗出
且寒且熱三日一刺百日而已

多血絡
者取血

經云凡刺寒熱皆多血絡必間日而一取之血盡乃止乃
調其虛實

甲寒熱五處及天柱風池腰膂長強大杼中膺內俞上窞
斷交上腕關元天牖天容合谷陰谿關衝中渚陽池消燄

少澤前谷腕骨陽谷少海然谷至陰崑崙主之 身寒熱
 陰都主之 寒熱刺腦戶 風寒熱腋門主之 心如懸
 陰厥脚脰後廉急不可前却癢癖便膿血足跗上痛舌卷
 不能言善笑心下痞四肢倦溺青赤白黃黑青取井赤取
 榮黃取輪白取經黑取合 血痔泄後重腹痛如瘰狀臥
 仆必有所扶持及失氣涎出鼻孔中痛腹中常鳴骨寒熱
 無所安汗出不休復溜主之 骨寒熱洩難腎膈主之
 肺寒熱呼吸不得臥上氣嘔沫喘氣相追逐胸滿脇膈急
 息難振慄脉鼓氣鬲胸中有熱支滿不嗜食汗不出腰脊
 痛肺俞主之 咳而嘔涌寒食不下寒熱皮肉膚痛少氣
 不得臥胸滿支兩脇鬲上兢兢脇痛腹臍胃脘暴痛上氣
 肩背寒痛汗不出喉痺腹中痛積聚默默然嗜臥怠惰不
 欲動身常濕濕一作温心痛無可搖者鬲俞主之 效而脇

喘咳寒
 熱取背
 輸大陰

滿急不得息不得反側腋脇下與臍相引筋急而痛反折
 目上視眩耳中翛然肩項痛驚狂衄少腹滿目眈眈生白
 翳欬引胸痛筋寒熱唾血短氣鼻酸肝俞主之 寒熱食
 多身羸瘦兩脇引痛心下賁痛心如懸下引臍少腹急痛
 熱面急一作黑目眈眈久喘咳少氣溺濁赤腎俞主之 寒
 熱咳嘔沫掌中熱虛則肩背寒慄少氣不足以息寒厥交
 兩手而齧口沫出實則肩背熱痛汗出暴四肢腫身濕搖
 肘寒熱饑則煩飽則善面色變一作口噤不開惡風泣出
 列缺主之 寒熱胸背急喉痺欬上氣喘掌中熱數欠伸
 汗出善忘四肢厥逆善笑溺白列缺主之 胸中膨膨然
 甚則交兩手而齧暴痺喘逆刺經渠及天府此謂之大膺
 肺系急胸中痛惡寒胸滿悒悒然善嘔膽汁腦中熱喘
 逆氣氣相追逐多濁唾不得息肩背風汗出面腹腫鬲中

食體不下喉痺肩息肺脹皮膚骨痛寒熱煩滿中府主之

寒熱目眩眩善欬喘逆通谷主之 煩心欬寒熱善噦

勞宮主之 寒熱唇口乾身熱喘息目急痛善驚三間主

之一本云寒熱心背引痛胸中不得息咳唾血涎煩中善

寒熱善嘔商丘主之 嘔厥寒時有微熱脇下支滿喉痛

噎乾膝外廉痛淫灤脛痠腋下腫馬刀瘻肩腫吻傷痛大

衝主之

寒熱頭痛喘喝目不能視神庭主之其目泣出頭不痛者

聽會取之 寒熱頭痛如破目痛如脫喘逆煩滿嘔吐流

汗頭維主之 寒熱胸滿頭痛四肢不舉腋下腫上氣胸

中有聲喉中鳴天池主之 寒熱頭痛水溝主之 寒熱

善怖頭重足寒不欲食脚攣京骨主之 下部寒熱病汗

不出體重逆氣頭眩痛飛陽王之 肩背痛寒熱瘰癧瘻

頭痛寒熱取少陽厥陰

嘔寒熱取太陽厥陰

振寒寒熱取太陽

頸腫寒熱取太陽明

頸有大氣暴聾氣蒙瞽耳目不開頭頷痛淚出目鼻衄不

得息不知香臭風眩喉痺天牖主之 寒熱痠痛四肢不

舉腋下腫馬刀挾瘦髀膝脛骨淫灤痠痺不仁陽輔主之

寒熱頸瘰癧欬呼吸炙手三里左取右右取左 寒熱

頸瘰癧大迎主之 寒熱瘰癧胸中滿有大氣缺盆中滿

痛者死外潰不死肩引項不舉缺盆中痛汗不出喉痺欬

嗽血缺盆主之 寒熱頸瘰癧肩痛不可舉臂膈膈主之

寒熱頸瘰癧耳鳴無聞痛引缺盆肩中熱痛手臂不舉

肩真主之 寒熱瘰癧目不明欬上氣唾血肩中膈主之

寒熱頸腋下腫申脉主之 寒熱頸頷腫後谿主之 胸

中滿耳前痛齒熱痛目赤痛頸腫寒熱渴飲輒汗出不飲

則皮乾熱煩曲池主之

振寒小指不用寒熱汗不出頭痛喉痺舌急卷小指之間

熱口中熱煩心心痛臂內廉痛聾欬瘰癧口乾頭痛不可
 顧少澤主之 振寒寒熱肩膈肘臂頭痛不可顧煩滿身
 熱惡寒目赤痛皆爛生翳膜暴痛眦耳聾臂重痛肘攣
 痲疥腦滿引腦泣出而驚頸項強身寒頭不可顧後谿主
 之 振寒寒熱頸項腫實則肘攣頭眩痛狂易虛則生疣
 小者痲疥支正主之 寒熱悽厥鼓頷承漿主之
 肩痛引項寒熱缺盆主之 身熱汗不出胷中熱滿天窳
 主之 寒熱肩腫引胷中肩臂酸痛膈膈主之 臂厥肩
 膈胸滿痛目中白翳眼青轉筋掌中熱乍寒乍熱缺盆中
 相引痛數欬喘不得息臂內廉痛上鬲飲已煩滿太淵主
 之
 寒熱腹臍央央然不得息京門主之 善齧頰齒唇熱汗
 不出口中熱痛衝陽主之 胃管痛時寒熱皆主之

肩痛寒熱取太陽少陰

腹脹痛寒熱取太陽明

寒熱篡反出承山主之 寒熱篡後出瘰癧脚膈酸重戰
 慄不能久立脚急腫痛跌筋足攣少腹痛引喉噎大便難
 承筋主之
 寒熱脛腫丘墟主之 寒熱痺脛不收陽交主之 跟厥
 膝急腰脊痛引腹篡陰股熱陰暴痛寒熱膝痠重合陽主
 之 寒熱解嬾一作爛淫灑脛痠四肢重痛少氣難言至陽
 主之
 寒熱腰痛如折束骨主之 寒熱骨痛玉枕主之
 靈黃帝曰人之善病寒熱何以候之少俞答曰小骨弱肉
 者善病寒熱黃帝曰何以候骨之大小肉之堅脆色之不
 一也少俞答曰顙骨者骨之本也顙大則骨大顙小則骨
 小皮膚薄而其肉無脰其臂濡濡然其地色焔然不與天
 同色汚然獨異此其候也然後臂薄者其髓不滿故善病

篡反出寒熱取太陽

脛腫寒熱取太陽

腰骨痛寒熱取太陽顙小皮薄者善病寒熱

寸微惡
寒尺弱
發熱

寒熱也五變

仲云病有洒淅惡寒而復發熱者何也曰陰脉不足陽往
從之陽脉不足陰往乘之何謂陽不足假令寸口脉微名
曰陽不足陰氣上入陽中則洒淅惡寒也何謂陰不足假
令尺脉弱名曰陰不足陽氣下陷入陰中則發熱也全文

寒寒

素寸口脉沉而喘曰寒熱平人氣

脉沉數細散者寒熱

也脉要精微論○沉
細為寒數散為熱

脉溢洪大寒熱在中 尺膚烘然

先熱後寒寒熱也

言初捫尺膚則
熱久之則寒也

尺膚先寒久之而熱

者亦寒熱也

言初捫尺膚則
寒久之則熱也

寒熱係形脉堅搏是逆也

寒熱安
臥腕肉
者死

全文見診
生死門

尺肉熱者解休安臥腕肉者寒熱不治全文

寒熱赤
脉骨體
子死

門

診寒熱赤脉上下貫臍子見一脉一歲死見一脉

半一歲半死見二脉二歲死見二脉半二歲半死見三脉

三歲死

見赤脉不下貫臍于
治也○寒熱篇

寒熱病者平旦死全文見
診生死

四如產後往來寒熱

雲產後往來寒熱四物內加小柴胡湯

保治日久虛勞微有寒熱脉沉而數宜柴胡四物湯

川芎

當歸

芍藥

熟地黄各一
錢半

柴胡八錢

人參

黃芩

甘草

半夏各三錢

右為末水煎服

雲產後往來寒熱而脉弦者少陽也小柴胡加生地黄湯

柴胡二兩

黃芩五錢

人參三錢

半夏一兩五錢製

大棗三枚

生地黄

梔子

枳殼炒各五錢

右如前煎服

虛熱

增損柴胡湯治產後虛發寒熱飲食少腹脹

柴胡

人參

甘草

半夏

陳皮

川芎

白芍藥各等分

右咬咀每服三錢薑五片棗二枚水同煎食後日二服

大全治產後乍寒乍熱增損四物湯

人參

當歸

芍藥

川芎

乾薑各一兩

甘草

右咬咀每服四錢水一盞薑三片煎七分去渣熱服無

時

雲熟地黃散治產後羸勞皆由體虛氣力未壯勞復所起

四肢煩疼時發寒熱

熟地黃

人參

白芍藥

白茯苓

白朮

續斷各一兩

黃芪

桂心

五味子

當歸

川芎各七錢半

右咬咀每服四錢薑三片棗一枚水同煎

黃芪丸治產後羸勞寒熱進退頭目眩痛骨節酸疼氣力

乏

黃芪

鱉甲

當歸炒各一兩

桂心

白芍藥

續斷

川芎

牛膝

茯苓

沉香

栝子仁

枳殼各六錢半

五味子

熟地黃各半兩

右為細末煉蜜為丸桐子大每服四五丸粥飲下食

後

外熱內寒外寒內熱

仲云病人身大熱反欲得近衣者熱在皮膚寒在骨髓也

活人云先與桂枝湯治寒次與小柴胡湯治熱也

表熱裏寒

羅病有遠近有緩急 征南帥不隣吉亥年七旬丙辰冬
南征至楚丘諸路迎送多獻酒醴因而過飲太多遂腹痛
腸鳴自利日夜約有五十餘行咽噎腫疼耳前後赤腫舌
本強涎唾稠粘欲吐不吐以手洩之方出言語艱難反側
悶亂夜不得臥予診得脉浮數極按之沉細而弦即謂中
丞粘公曰仲景言下利清穀身體疼痛急當救裏清便自
調急當救表救裏四逆湯救表桂枝湯今胃氣不守下利
清穀腹中疼痛雖宜急治之比之咽噎痛猶可少待公曰
何謂也答曰內經云瘡發咽噎名曰猛疽此疾治遲則咽
塞咽塞則氣不通氣不通則半日死故宜急治於是遂砭
刺腫上紫黑血出頃時腫勢大消遂用桔梗甘草連翹黍
粘酒製黃芩升麻防風等分咬咀每服約五錢水煎清令
熱嗽冷吐去之咽之恐傷脾胃自利轉甚再服涎清腫散

聲出後以神應丸辛熱之劑以散中寒解化宿食而燥脾
濕丸者取其不即化則不犯上焦至病所而後化乃治主
以緩也不數服利止痛定後胸中閉塞作陣而痛思靈樞
云上焦如霧宣五穀味蒸膚充身澤毛若霧露之漑是為
氣也今相公年高氣弱自利日久致脾胃中生發之氣不
能滋養於心肺故使閉塞而痛經云上氣不足推之揚之
脾不足者以甘補之再與發散甘辛之味溫養脾胃加以
升麻人參上井以順正氣不數服而胸中快利痛止內經
云調氣之方必別陰陽內者內治外者外治微者調之其
次平之盛者奪之隨其攸利萬舉萬全又曰病有遠近治
有緩急無越其製又曰急則治其標緩即治其本此之謂
也

仲云病人身大寒反不欲近衣者寒在皮膚熱在骨髓也

表裏裏

活人云先與白虎加人參湯治熱
次與桂枝麻黃各半湯以解其外

上熱下寒上寒下熱

羅上熱下寒治驗 中書左丞姚公茂六旬有七宿有暗
風至元戊申末因酒病發頭面赤腫而痛耳前後腫尤甚
胸中煩悶嗌咽不利身半已下皆寒足脛尤甚由是以牀
相接作坑身半已上常臥於牀飲食減少精神困倦而體
痛命予治之診得脉浮數按之弦細上熱下寒明矣內經
云熱勝則腫又曰春氣者病在頭難經云畜則腫熱砭射
之也蓋取其易散故遂於腫上約五十餘刺出血紫黑約
一盃數頃時疼痛消散又於氣海中大艾灸百壯乃助下
焦陽虛退其陰寒次於三里二穴各灸三七壯治足胫下
寒引導陽氣下行故也遂製一方名曰既濟解毒湯以熱
者寒之然病有高下治有遠近無越於此以黃芩黃連苦

寒酒製為引用瀉其上熱桔梗甘草辛甘溫升佐諸苦藥
治其熱柴胡升麻苦平味薄者也陽中之陽散發上熱連
翹苦辛平散結消腫當歸辛溫和血止痛酒煨大黃苦寒
引苦性上行止煩熱投劑之後腫散痛減大便利再服減
大黃慎言語節飲食不旬日良愈

既濟解毒湯治上焦頭目赤腫而痛胸膈煩悶不得臥身
半已下皆寒足胫尤甚大便赤秘

大黃

酒煨大便
利不用

連翹

酒製
炒

黃芩

酒
炒

甘草

炙

黃連

酒
炒

桔梗

各二
錢

柴胡

歸身

升麻

各一
錢

診
脉熱病所謂陽附陰者腰以下至足熱腰以上寒陰氣下
爭還心腹滿者死所謂陰附陽者腰以上至頭熱腰以下
寒陰氣上爭還得汗者生

鍼灸

靈上寒下熱先刺其項太陽久留之已刺則熨項與肩胛
令熱下合乃止此所謂推而上之者也刺節真邪論下同上熱
下寒視其虛脉而陷之於經絡者取之氣下乃止此所謂
引而下之者也

補瀉

垣另有上熱下寒經曰陰病在陽當從陽引陰必須先由
絡脉經隧之血若陰中火旺上騰於天致六陽反不衰而
上充者先去五臟之血絡引而下行天氣降下則下寒之
病自去矣慎勿獨瀉其六陽此病陽亢乃陰火之邪滋之
只去陰火只損血絡經隧之邪勿悞也 聖人以上熱下
寒是有春夏無秋冬也當從天外引陽下降入地中此症
乃上天羣陰火熾而反助六陽不能衰退先於六陽中決
血絡出血使氣下降三陰雖力微能逐六陽下行以陰血
自降故也亦可謂老陽變陰之象也故經云上熱下寒視

其虛脉下陷於經絡者取之此所謂引而下之也但言絡
脉皆是也病大者三稜鍼決血去陽中之熱熱者手太陽
小腸中畱火熱之邪致此老陽不肯退化為陰而下故先
決去手太陽之熱血使三陰得時之用而下降以行秋令
奉收道下入地中而舉藏也乃瀉老陽在天不肯退化行
陰道者也至元戊辰春中書叅政楊公正卿年踰七十病
面顏鬱赤若飲酒狀痰稠粘時眩暈如在風霧中一日會
都堂此症忽來復加目瞳不明遂歸命予診候兩寸脉洪
大尺脉弦細無力此上熱下寒明矣欲藥之為高年氣弱
不任記先師所論凡上熱譬猶鳥巢高顛射而取之即以
三稜針於顛前髮際疾刺二十餘出紫黑血約二合許即
時頭目清利諸苦皆去自後不復作刺上熱下寒與經旨
責其虛治之能引上熱下降垣於
熱處得血候熱自裏退而下降也

密語上寒下熱上熱下寒
補或分開上寒補懸鍾五分下熱瀉曲池一寸五分
懸鍾二十半上寒下熱先補後瀉上熱下寒先瀉後

瘧寒熱

內經論瘧皆生於風暑

魄汗未盡形弱而氣燥穴俞已閉發為風瘧見生氣通天論

秋善病風瘧全文見五臟夏暑汗不出者秋成風瘧

素黃帝問曰夫瘧瘧皆生於風其蓄作有時者何也岐伯曰瘧之始發也先起於毫毛伸欠乃作寒慄鼓頷腰脊俱痛寒去則內外皆熱頭痛如破渴欲飲冷帝曰何氣使然願聞其道岐伯對曰陰陽上下交爭虛實更作陰陽相移也陽并於陰則陰實而陽虛陽明虛則寒慄鼓頷也巨陽虛則腰背頭項痛三陽俱虛則陰氣勝陰氣勝則骨寒而痛寒生於內故中外皆寒陽盛則外熱陰虛則內熱內外皆熱則喘而渴故飲冷也此皆得之夏傷於暑熱氣盛藏

於皮膚之內腸胃之外此榮氣之所舍也此令人汗空腠理開因得秋氣汗出遇風及得之以浴水氣舍於皮膚之內與衛氣并居衛氣者晝日行於陽夜行於陰此氣得陽而外出得陰而內薄內外相薄是以日作帝曰其間日而作者何也岐伯曰其氣之舍深內薄於陰陽氣獨發陰邪內着陰與陽爭不得出是以間日而作也帝曰善其作日晏與其日早者何氣使然也岐伯曰邪氣客於風府循膂而下衛氣一日一夜大會於風府其明日日下一節故其作也晏此先客於脊背也每至於風府則腠理開腠理開則邪氣入邪氣入則病作以此作日稍益晏也其出於風府日下一節二十五日作五一下至骶骨二十六日作六一入於脊內注於伏膂伏一作中之脉其氣上行九日出於缺盆之中其氣日高故作日益早也其間日發者由邪氣內薄

日作者邪客淺深者邪客深者邪與衛會於風府則瘧新邪循風府下脊背與衛會則日晏久邪循伏膂上缺盆與

論會則
曰年

風無常
府邪客
處是府

於五臟橫連募原也其道遠其氣深其行遲不能與衛氣
 俱行不得皆出故問曰乃作也其行遲不能曰作故次日乃畜積而作焉詳畜積二字則非一日之義明矣始明邪氣未盛未與衛氣相當故未作必候畜積與衛氣相當故作焉
 帝曰夫子言衛氣每至於風府腠理乃發發則邪氣入入
 則病作今衛氣日下一節其氣之始發也不當風汗其日
 作者奈何岐伯曰此邪氣客於頭項循膂而下者也故虛
 實不同邪中異所則不得當其風府也故邪中於頭項者
 氣至頭項而病中於背者氣至背而病中於腰脊者氣至
 腰脊而病中於手足者氣至手足而病衛氣之所在與邪
 氣相合則病作故風無常府衛氣之所發必開其腠理邪
 氣之所舍則其府也帝曰瘧先寒而後熱者何也岐伯曰夏傷於大暑其汗大出腠理開發因遇夏氣淒滄之水

寒藏於腠理皮膚之中秋傷於風則病成矣夫寒者陰氣
 也風者陽氣也先傷於寒而後傷於風故先寒而後熱也
 病以時作名曰寒瘧帝曰先熱而後寒者何也此先傷於風而後傷於寒故先熱而後寒也亦以時作名曰溫瘧
 帝曰夫病溫瘧與寒瘧而皆安舍舍於何藏岐伯曰溫
 瘧得之冬中於風寒氣藏於骨髓之中至春則陽氣大發
 邪氣不能自出因遇大暑腦髓燥肌肉消腠理發泄或有
 所用力邪氣與汗皆出此病藏於腎其氣先從內出之於
 外者也如是者陰虛而陽盛陽盛則熱矣衰則氣復反入
 入則陽虛陽虛則寒矣故先熱而後寒名曰溫瘧其但熱不寒者陰氣先絕陽氣獨發則少氣煩冤手足熱而欲嘔名曰瘧瘧帝曰瘧瘧何如岐伯曰瘧瘧者肺素有熱氣盛於身厥逆上衝中氣實而不外泄因有所用力腠理開

風寒舍於皮膚之內分肉之間而發發則陽氣盛陽氣盛而不衰則病矣其氣不及於陰故但熱而不寒氣內藏於心而外舍於分肉之間令人消燦肌肉故名曰瘧瘧帝曰瘧未發其應何如岐伯曰瘧氣者必更盛更虛當氣之所在也病在陽則熱而脉躁在陰則寒而脉靜極則陰陽俱衰衛氣相離故病得休衛氣集則復病也

衛與邪相并則病作與邪相離則病休其并於陰則寒并於陽則熱離於陰則寒已離於陽則熱已至次日又集而并合則復病也

帝曰時有間二日或至數日發或渴或不渴其故何也岐伯曰其間日者邪氣與衛氣客於六府而有時相失不能相得故休數日乃作也瘧者陰陽更勝也或甚或不甚故或渴或不渴

已上俱瘧論

瘧應四時

帝曰火熱復惡寒發熱有如燿狀或一日發或間數日發其故何也岐伯曰勝復之氣會遇之時有多少也陰氣多而陽氣少則其發日遠陽氣多而陰氣少則其發日近此勝復相薄盛衰之節也瘧亦同法

至真要大論

帝曰論言夏傷於暑秋必病瘧今瘧不必應者何也岐伯曰此應四時者也其病異形者反四時也其以秋病者寒甚以冬病者寒不甚以春病者惡風以夏病者多汗帝曰夫風之與瘧相似同類而風獨常在瘧則有時而休者何也岐伯曰風氣留其處故常在瘧氣隨經絡沉以內薄故衛氣應乃作

瘧論

保夏傷於暑秋必病瘧蓋傷之淺也近而暴傷之重也達而深瘵瘧者久瘧也是知夏傷於暑濕熱閉藏而不能發洩于外邪氣內行至秋而發為瘧也初不知何經受病隨

醫經卷之六

七

其受而取之有中三陽者有中三陰者大抵經中邪氣其
症各殊同傷寒治之也故內經曰五臟皆有瘧其治各別
在太陽經者謂之風瘧治多汗之在陽明經者謂之熱瘧
治多下之在少陽經者謂之風熱瘧治多和之此三陽受
病皆謂暴瘧也發在夏至後處暑前者此乃傷之淺者近
而暴也在陰經者則不分三經皆謂之溫瘧宜以太陰經
論之其發處暑後冬至前者此乃傷之重者遠而深也瘧
瘧者老瘧也故謂之久瘧

桂枝羌活湯治瘧病處暑前後頭痛項強脉浮惡風有汗

桂枝

羌活

防風

甘草炙各半兩

右為麓末每服半兩水一盞半煎至一盞溫服迎發日
服吐者加半夏麩

瘧疾頭痛項強脉浮惡風無汗者宜麻黃羌活湯

麻黃

羌活

防風

甘草炙各半兩

右同前服法如吐加半夏麩等分

治瘧病身熱目痛熱多寒少脉長睡卧不安先以大柴胡
湯下之微利為度如下過外微邪未盡者宜白芷湯以盡
其邪

白芷湯

白芷

知母各一兩

石膏兩四

右為麓末同前服法

治瘧無他症隔日發先寒後熱寒少熱多宜桂枝石膏湯

桂枝

石膏

知母各一兩半

黃芩兩

右為麓末分作三服水半盞同煎服間日者邪氣所舍
深也如外邪已罷內邪未已再下之從卯至午發者
宜大柴胡湯下之從午至酉者知邪在內也宜大承

氣湯下之 從酉至子發者或至寅時發者知邪在血也宜桃仁承氣湯下之 前項下藥微利為度以小柴胡湯徹其微邪之氣 治瘧寒熱大作不論先後此太陽陽明合病也謂之大爭寒熱作則必戰動經曰熱勝則動也發熱則必汗泄經云汗出不愈知為熱也陽盛陰虛之証治當內實外虛不治恐久而傳入陰經也宜桂枝芍藥湯主之

桂枝二錢 黃芪 芍藥

右為籬末五七錢用水煎如前藥服之寒熱轉大者知太陽陽明少陽三陽合病也宜桂枝黃芩湯以和之 甘草四錢 石膏五錢 知母五錢 桂二錢 柴胡二錢 黃芩四錢 人參半錢 半夏四錢

右為籬末同煎服後如外邪已罷內邪未已用大柴胡大承氣等湯下之 治處暑後冬至前後瘧其法並於久瘧法求之

局方雙解飲子治瘧疾辟瘴氣神効 肉苳蔻 草苳蔻 厚朴二寸一半用生薑汁浸炙一半生用 生薑二塊如棗大一塊濕

右各咬咀每服分一半用水一碗煎至一大盞去查空 心溫服 東垣云秋暮暑氣衰病熱瘧知其寒也局保治發瘧如前症是夜發者麻黃黃芩湯主之

麻黃去節 甘草炙三錢 桃仁三十枚 黃芩五錢 桂二錢 右為細末依前服法桃仁味苦甘辛肝者血之海血受

書發屬 氣發屬 夜發屬

邪則肝氣燥經所謂肝苦急急食甘以緩之故桃仁散
血緩肝謂邪氣深遠而入血故夜發乃陰經有邪此湯
發散血中風寒之劑

世桃仁承氣湯治夜瘧有實熱者方見傷寒

治先熱後寒者小柴胡湯先寒後熱者小柴胡加桂枝湯

多熱但熱者白虎加桂枝湯多寒但寒者柴胡桂薑湯

瘧之寒熱多少定治法也若多寒而但有寒者其脈或洪實或滑當作實熱治之若用桂枝候也如或多熱而但有熱者其脈或空虛或微弱當作虛寒治之若用白虎湯亦候也所以欲學者必先問其寒熱或熱多熱少或寒多寒少又診脈以參之百無一失矣

小柴胡加桂湯治瘧先寒後熱方見傷寒 小柴胡湯治瘧先

熱後寒

仲溫瘧者其脈如平身無寒但熱骨節疼煩時便難白虎

加桂枝湯主之脈經云朝發暮解

知母六兩

桂去皮三兩

甘草二兩

石膏一斤

粳米二合

右剉每服五分水一錢煎八分去查溫服出汗愈

柴胡桂薑湯治瘧寒多微有熱或寒不熱方見傷寒

瘧多寒者名曰牡瘧蜀漆散主之

蜀漆燒去腥

雲母燒三日

龍骨等分

右三味搗為散末發前以漿水服半錢七如溫瘧加蜀

漆一錢臨發時服一錢七

牡礪湯治牡瘧

牡礪四兩

麻黃去節三兩

甘草二兩

蜀漆三兩

右四味以水八升先煮蜀漆麻黃去上沫得六升內諸藥煮取二升溫服一升若吐則勿更服

柴胡去半夏加括蕒湯治瘧病後渴者亦治勞瘧

柴胡八兩

人參

黃芩各三兩

括蕒根兩

生薑二兩

大棗十二枚

甘草三兩

右七味以水一斗二升煮取六升去查再煎取三升溫服一升一日兩三服

丹瘧

有風

有暑

有食

有痰

三日一發者受病一年 間日一發者受病半年 一日一發者受病一月 二日連發住一日者氣血俱受病 一日間日者補藥帶表藥後用截瘧丹截之在陰分者用藥徹起陽分方可用截方

常山

草果

檳榔

知母

烏梅

川山甲炒

甘草炙

用水酒各一大碗煎至半碗露一宿臨發前二時溫服之如吐則勿服之

大法補中帶散

大法暑風必當發汗夏月多在風涼處歇遂閉汗而不泄因食者必從飲食將息 瘧而虛者須先用參朮一二帖托住其氣不使下陷後用他藥治內傷挾外邪者同法內必生痰必以汗解二陳湯加柴胡常山黃芩 瘧而甚者發寒熱頭痛如破渴而飲水自汗可與

人參

黃芪

白朮

黃連

黃芩

梔子

川芎

蒼朮

半夏

天花粉

水煎服

一丈夫瘧脉弦細每日近午發此風寒也

白朮

柴胡

青皮

半夏

蒼朮錢

麻黃

木通半錢

桂錢

甘草

何氏子年二十歲瘧間日作頭痛惡寒為甚

麻黃錢一

白木錢五

青皮錢三

木通錢七

蒼木錢二

桂皮半錢

半夏錢五

炙甘草錢三

小娘患瘧汗但未到下體

白木錢二

麻黃

知母錢一

半夏半錢

人參

桂枝半錢

分二貼薑三片水二盞半煎至半盞露星月下一夜次日早空心熱服

陳一之子二歲間日瘧

麻黃分五

白木錢二

蒼木半錢

陳皮錢一

半夏錢一

木通錢一

甘草些

何主首二十歲瘧間兩日作寒自足起發時口渴身痛頭痛服已有汗

麻黃分半

黃芪

白木炒

青皮錢二

芍藥

蒼木錢二

木通錢一

炙甘草錢三

柴胡錢一

王舅瘧左弦甚右畧瀼將退時有汗

人參兩一

半夏兩一

白木

柴胡各六

蒼木

青皮各五錢

木通兩一

甘草些

分五帖煎服三之一去查入薑汁半杯露一夜次早溫服之

服之

王孺人舊患瘧疾因勞心力又發今骨節疼痛惡心食少

與此方

人參錢五

白木半兩

蒼木兩一

陳皮兩一

川芎

當歸

木通各七錢

甘草錢一

分六帖薑三片

馮官人發瘧脉弦有汗

人參錢五

黃芪

黃連

白朮各三錢

芍藥兩

茯苓三錢

黃芩三分

作五帖水煎服

盧兒瘡後辛苦再發脉大洪而浮此血傷也宜補之

人參錢半

白朮錢一

黃芩錢四

甘草錢四

白芍錢一

黃連錢三

生地黄

茯苓

歸尾各五分

作一帖熱飲仍灸大椎穴五壯

一婦人五十餘歲形實喜作勞性急味厚喜火食夏却患惡寒發熱更作無休時衣被雖厚常凜然兩脉皆濇予作雜合邪治之遂以四物湯加陳皮以人參白朮為君生甘草黃栢為佐多入薑汁吞通神丸三十九回金柳青各二十九阿魏十九煎三帖而得睡第五帖而身和第七帖通

身微汗諸症皆去

局方人參養胃湯

草薺

茯苓

人參去蘆各半兩

甘草炙七錢

橘紅七錢半

厚朴去皮姜製

蒼朮湯洗炒

半夏湯洗各一兩

藿香葉洗去土

右咬咀每服四錢水一盞半薑七片烏梅一箇煎至七分去查熱服脉弱無力或寒多者加乾薑附子如

右朴蒼藿香發散也半菓茯苓橘切痰也人參用之惟虛人最宜

丹絕瘡青蒿丸

青蒿

冬瓜皮

官桂

馬鞭草各二兩

右藥焙乾為末糊為丸如胡椒大每兩分四服於戌時前一時服盡治瘡方百草霜黃丹等分細研每服

二錢七於發日虛心水調服不止連兩服愈 治瘡用
蒜不拘多少研極爛以黃丹少許聚為度丸如雞頭大
候乾每服一九新汲水下回東服至妙

垣治瘡疾

大蒜一類分

右一片內入巴荳肉一粒輕紙裹煨熟去巴荳研入黃
丹為丸如雞頭大每服一九先發寒用桃枝七寸東向
者煎湯發日五更面北服如發熱用冷水送下未全好
次發又可進一服除根

右黃丹劫痰例輕劑也

易簡七寶湯

常山 陳皮 青皮 枳榔
甘草 厚朴等分

右咬阻每服半兩水酒各一盞煎六分當發日侵辰服
之此服有常山必須吐而愈或當日大作俗謂闔藥是
也虛怯人及脾胃寒者不宜服
右此劫痰例重劑也虛人慎之或補後用之
扁方尅効飲子

龍腦 麝香 定粉各研 荷葉焙

葶藶末 甘草炙各五兩 硃砂一兩 信醋炙二錢半

金箔二十五片為衣

右為末煉蜜搜和每兩作二十九丸無名異為衣每服一
二丸溫水磨連日發者未發前服之間日者不發夜服
之隔數日發者前一日夜服之

河辟邪丹治嵐瘴鬼瘧併日頻日

葶藶 雄黑荳各四十粒 信半錢另研

黃丹錢一

硃砂錢二

右為末同入乳鉢內滴水為丸分作三十粒每服一粒用東南桃枝取七枚研汁并花水早晨日欲出不出時向日吞之

右信砒劫痰為至峻之劑虛人切忌之

運氣瘧疾有二

一曰火熱經云歲火太過炎暑流行金肺受邪民病瘧少氣又云火太過曰赫羲其病笑瘧狂妄又云火鬱之發民病溫瘧又云少陽司天火淫所勝民病發熱惡寒而瘧又云少陽之復發而為瘧又云少陽司天之政民病寒熱瘧治以寒劑是也

二曰寒濕經云陽明司天為四之氣病瘧寒之候是也

河斷瘧如聖散

砒二錢

蜘蛛大者三箇

雄黑豈四十粒

右為末滴水為丸如雞頭大如來日發於今晚夜北斗下先獻過次早以紙裹於耳內札一丸立愈如神一粒可救二人

素帝曰夫經言有餘者瀉之不足者補之今熱為有餘寒為不足夫瘧者之寒陽火不能溫也及其熱水不能寒也此皆有餘不足之類當此之時良工不能止必須其自衰乃刺之其故何也願聞其說岐伯曰經言無刺熇熇之熱無刺渾渾之脉王註曰渾渾謂脉無端緒無刺漉漉之汗故為其病逆未可治也夫瘧之始發也陽氣并於陰當是之時陽虛而陰盛外無氣故先寒慄也陰氣逆極則復出之陽陽與陰復并於外則陰虛而陽實故先熱而渴夫瘧氣者并於陽則陽勝并於陰則陰勝陰勝則寒陽勝則熱瘧者風寒

瘡未發宜堅束

針灸

之不常也病極則復至病之發也如火之熱如風雨不可當也故經言曰方其盛時必毀因其衰也事必大昌此之謂也夫瘡之未發也陰未并陽陽未并陰因而調之真氣得安邪氣乃亡故工不能治其已發為其氣逆也帝曰善攻之奈何早晏何如岐伯曰瘡之且發也陰陽之且移也必從四末始也陽已傷陰從之故先其時堅束其處令邪氣不得入陰氣不得出審候見之在孫絡盛堅而血者皆取之此其往而未得并者也論瘡凡治瘡先發如食頃乃可治過之則失時也瘡發身方熱刺跗上動脈開其空出其血立寒瘡方欲寒刺手陽明太陰足陽明太陰謂出血當隨井俞而刺之瘡脉滿大急刺背俞用中針傍五肱俞各一適肥瘦出其血也王註云背俞謂大杼五腧瘡脉小實俞噫嗜也○脉去魚反瘡脉緩大虛便宜急灸脛少陰刺指井指井至陰穴也瘡脉緩大虛便宜

用藥不宜用鍼諸瘡而脉不見刺十指間出血血去必已先視身之赤如小菖者盡取之刺瘡者必先問其病之所先發者先刺之先頭痛及重者先刺頭上及兩額

兩眉間出血王註云頭上謂上星百會兩額謂懸顛兩眉間謂橫竹等穴先項背痛者先刺之先腰脊痛者先刺郄中出血先手臂痛者

先刺手少陰陽明十指間先足脛痠痛者先刺足陽明十指間出血風瘡瘡發則汗出惡風刺三陽經背俞之

血者肝痠痛甚按之不可名曰肝髓病以鑱針針絕骨出血立已身體小痛刺至陰諸陰之井無出血間日一刺瘡不渴間日而作刺足太陽渴而間日作刺足少陽

靈樞經云瘡不渴間日而作刺足陽明渴日作刺手陽明溫瘡汗不出為五十九刺足太陽之瘡令人腰痛頭重寒從背起先寒後熱熇熇

暍暍然熱止汗出難已刺郄中出血金門穴黃帝中誥圖經云委中主之海藏

羌活加生地黃 足少陽之瘧令人身體解休寒不甚熱

小柴胡加桂湯 不甚惡見人見人心惕惕然熱多汗出甚刺足少陽俠路

胡柴湯 足陽明之瘧令人先寒洒淅洒淅寒甚久乃熱熱

去汗出喜見日月光火氣乃快然刺足陽明跗上衝陽

足太陰之瘧令人不樂好太息不嗜食多寒熱汗出病至

則善嘔嘔已乃衰即取之待病衰即取之井俞及公 足

少陰之瘧令人嘔吐甚多寒熱熱多寒少欲閉戶牖而處

其病難已海小柴胡如半夏湯陽明病 足厥陰之瘧令

人腰痛少腹滿小便不利如瘰狀非瘰也數便噫恐懼氣

不足腹中悒悒刺足厥陰太衝穴海四物加 肺瘧令人

心寒寒甚熱熱間善驚如有所見者刺手太陰陽明列缺

心瘧者令人煩心甚欲得清水反寒多不寒熱刺手少

陰神 肝瘧者令人色蒼蒼然太息其狀若死者刺足厥

陰

陰

陰

陰

陰

陰

陰

陰

陰

陰

陰

陰

陰

陰

陰

陰

陰

陰

陰

陰

陰

陰

陰

陰

陰

陰

陰

陰

陰

陰見血刺 脾瘧者令人寒腹中痛熱則腸中鳴鳴已汗

出刺足太陰商 腎瘧者令人灑灑然腰脊痛宛轉大便

難目眴眴然手足寒刺太陽少陰太鍾 胃瘧者令人且

病善饑而不能食食而肢滿腹大刺足陽明太陰橫脈出

血厲先解谿 瘧寒熱甚寒熱厥取手陽明 瘧寒少熱

多取足少陽 瘧面赤目眴眴心痛取手陽明少陽 瘧

腰背痛不渴取足太陽俱刺

甲瘡瘧神庭及百會主之 瘧振寒熱盛狂言天樞主之

瘧盛熱列缺主之 瘧寒厥及熱厥煩心善噦心滿而

汗出刺少商出血立已 熱瘧口乾商陽主之 瘧寒甚

欲嘔沫陽谿主之 風瘧汗不出偏歷主之 瘧多寒少

熱大鍾主之 瘧欬逆心悶不得臥嘔甚熱多寒少欲閉

戶而處寒厥足熱太谿主之 瘧瘕瘕驚股膝重肝轉筋

瘧瘕瘕驚股膝重肝轉筋

瘧瘕瘕驚股膝重肝轉筋

瘧瘕瘕驚股膝重肝轉筋

頭眩痛解谿主之。瘧日西發臨泣主之。瘧多汗腰痛不能俛仰目如脫項如拔崑崙主之。瘧不渴間日作崑崙主之。

久瘧

久瘧者瘵瘧也以其隔二三日一發纏綿不去。丹老瘧係風暑之邪入在陰分在臟宜用血藥引出陽分而散川芎撫芎紅花當歸蒼白朮白芷黃柏甘草露一宿早服古方多用峻劑恐非稟受怯弱與居養所移者所宜始悟常山砒丹烏梅劫劑或誤投之輕病變重重必危矣三日一作者邪入於三陰經也作於子午卯酉日者少陰經瘧也作於寅申巳亥日者厥陰經瘧也作於辰戌丑未日者太陰經瘧也瘧得於暑當以汗解或因取涼太過汗鬱成痰其初感也弱者即病胃氣強者伏而未發至於再

感復因內傷其病乃作宜其難瘵夫感暑與風皆外邪也故非汗多不解今之邁此疾者已經再三劫試胃氣重傷何由得愈欲治此症必先與參朮等補劑為君加柴葛等發散藥漸而收汗得汗而虛又行補養下體屬陰最難得汗補藥力到汗出至足方是佳兆。

丹治一婦病瘧三日一發食少經不行已三月脈無時冬寒議作虛寒治疑誤再診見其梳洗言動如常知果誤也經不行非無血為痰所碍脈無非血氣虛乃積痰生熱結伏其脈而不見耳當作實熱治與三花丸旬日後食進脈出帶微弦謂胃氣既全雖不瘧當自愈而經行也令淡滋味果應。

三花神佑丸
方見水脹

一婦身材小味厚瘵瘧月餘間日發於申酉頭與身痛寒多喜極熱辣湯脈伏面慘晦作實熱治之以十棗湯為末

粥丸黍米大服十粒津嚥日三次令淡飯半月大汗愈
久瘡欲吐不吐宜吐之用藜蘆散或雄黃散

瘡病能食而痰伏者小胃丹方見內傷飲食

一人性急好酒色味厚適多憂怒患久瘡忽大熱下臭積

大孔痛陷下此大虛脈弦大而浮以瓦磨如錢圓燒紅童

便焮急取以紙裹於痛處恐外寒乘虛而入也以參歸陳

皮煎服淡味半月而安

一婦人久痢因哭子變瘡一日五六作汗如雨不止脈微

數疲甚無邪可治陰虛陽散死在旦夕且服四獸等熱劑

遂用參朮各二兩白芍藥一兩黃芪半兩炙甘草二錢作

大劑四五服而愈

一人因勞役發嗽得瘡又服發散藥變為發熱舌短語

言不正痰吼有聲脈洪實似滑先用獨參湯加竹瀝二匙

穀一服後吐膠痰舌本正後用黃芪人參湯服半月而愈

藜蘆散 大藜蘆末分五 溫蠶水調下以吐為度

雄黃散 雄黃 瓜蒂 赤小豆各一錢

右為細末每服半錢溫水調下以吐為度

驚甲煎丸 治瘡母

驚甲十二分 烏扇三分 黃芩一分 鼠婦一分

大黃 桂枝 石韋去毛 厚朴

紫葳 阿膠各三分 乾姜 人參

桃仁各二分 柴胡 蜚蠊各六分 芍藥

牡丹皮 麝香各五分 蜂窠各四分 瞿麥二分

葶藶炒 半夏各一分 赤硝十二分

右二十三味為末取鍛竈下灰一斗清酒一斛五斗浸
灰候酒盡一半着驚甲於中煮令泛爛如膠漆絞取汁

內諸藥煎為丸如桐子大空心服七九日三服
瘧母丸

青皮

桃仁

紅花

神麩

麥芽

鱉甲

三稜

蓬朮

海粉

香附

醋俱用

右為末神麩糊為丸如桐子大每服五七十九白湯下
小兒瘧疾痞塊用生地芍藥各一錢半陳皮川芎黃芩半
夏各一錢甘草二分姜水煎調鱉甲末服

十棗湯

芫花

大戟

甘遂

右為末每服半錢水一盞棗十枚同煎半盞服

瘧脹

秋深久瘧胸中無物又無痰癖腹高而食少俗謂瘧氣入
腹宜蒼朮湯主之

蒼朮

草烏頭

杏仁

右為粗末起作一服水三升煎至一半均作三服一日
服盡

產後瘧

產後瘧疾多由汚血挾寒熱而作大法宜柴胡四物湯調
之熱多者宜服草菓飲子

半夏

赤茯苓

草菓

甘草

陳皮

川芎

白芷

紫蘇

良姜

青皮

乾姜

右咬咀分二貼水二盞姜五片棗二枚煎至八分當發
日早連進三服無不効者

寒多者宜服生熟飲子

肉苳蔻

草菓仁

厚朴

半夏

